



सानसेयारि **“बड’सा”** खीरालाइयाव अमाज्यारि जिउजो लोब्बा थानाय रायथाय, अन्थाय, अल’, अल’बाथा आरु हावबायारि थावनि, पार्क बाइदिनि स्यायव लिउनाय लिउबिदां दैथाय हर/ सानसेयारि **“बड’सा”** खीरालाइया स्येवरांनानै फोसावगोन।
बड’सायाव लिउहरनायवि हुबा खालाम्, **“बड’सा”** खी नोथो, जों बयबो आंगो खालाम्।

सानसेयारि **बड’सा** मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 8 November, 2023 Kokrajhar, BTC, Assam ★ Vol.- 33, Issue No. 222 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

गुरुफेल्लयाव लामानि जाब्रवथायजों सासे आइजोनि जिउ गोमादों

गसाइगाव, 6 नभेम्बर: गसाइगाव महकुमानि गुरुफेल्ला फोनांजाब 31 नं माहारियारि राजा लामायाव थांनाय हराव सोमजिनाय मोनसे गिखंथाव लामानि जाब्रवथायव कसुगाव पुलिस थानानि सिडव थानाय खान्थालगुरि गामिनि थागिरि प्रमिला रानी इसवारी मुंनि सासे आइजोनि जिउ गोमायो। जाथायनि बागै सुलुडा फोरमायनाय बादिक्ला, मैया मोनाबिलि नि 7 रिंगायाव गुरुफेल्ला फोनांजाब 31 नं (□ 5 बिलाइआव)

सोलिफु बोसोरावनो फिन गं 5 दावबायथाय थै दान होनाय गारि बायनाय जागोन: गिबि मन्थि

दिसपुर, 7 नभेम्बर: गेवलाडै गावनि गोसो बादियै थै दान होनाय हाबाफारिखौ गोखै खालामनो थाखाय राइज्यो सरकार लानाय थांखिनि बाहागो महैरि गिबि मन्थि उ हिमन्त बिश्व शर्माआ दिने दिसपुरआव थानाय जनता भवननि लांगोनायाव खुनाय मोनसे हाबाफारियाव गं 5 दावबायथाय थै दान होनाय गारिखौ फलेग अफ खालामनानै होयो। मख'नो गोनांदि, 2022-23 बोसोराव आसाम राइज्योयारि थै ट्रेसफिउसन आफादआ माहारियारि देहा




मावथांखि आरो आसाम सरकारनिफ्राय मोनो हानाय 4.34 कौटि रंजों बे गं 5 गारिखौ बायदों। बे गं थफलानि 2.27 कौटि रंखौ माहारियारि देहा मावथांखि, आसाम आरो 2.07 कौटि रंखौ राइज्यो सरकार होदों। गोदानै बायनाय बे गारिखौ बिटिइडनि कक्राझार फाहामथाय फरायसालिमा आरो देहा फाहामसालि, कामरुप नोगोरमा जिल्लानि गुवाहाटी फाहामथाय फरायसालिमा आरो देहा फाहामसालि, काच्चार जिल्लानि एसए देहा (□ 5 बिलाइआव)

आसाम सरकारनि मावसुमा आरो पेन्सनारफोरा दिवालीनि अन्थोव मोनसिगोन

गुवाहाटी, 7 नभेम्बर: सोलिफु बोसोरनि फौगो दिवाली एबा सोरनि फोबोंआ खुंजानो साननैसोल' आद्रा दंसे। दिवालीनि सिगां आसामनि राइज्यो सरकारआ मावफारिया आरो पेन्सनारफोरनि थाखाय मोनसे मोजां खौरां लानानै फेदों। राइज्यो सरकारनि मावफारियाफोरनि डारनेस भट्टा (डिए) आरो पेन्सनारनि थाखाय डारनेस रिलीफ बांहोनारनि थांखि लानाय जादों। माखासे सान सिगां मिरु सरकारआ मावफारियाफोरनि थाखायबो फिन डिएखौ बांहोदोंमोन। बे खेबआव मिरु केबिनेटआ जुलाइ दाननिक्राय डिएखौ 4 जौखोन्दों बांहोनारनि गनायथि होदोंमोन। बावैसो समाव बांहोनारजों मिरु सरकारनि मावफारियाफोरनि डिएआ 42 जौखोन्दोनिक्राय आथिखालाव 46 जौखोन्दोसिम बांदोंमोन। मिरु सरकारनि बायदिनो राइज्यो सरकारआबो बोसोराव खेबनै डिए आरो डिआर बांहोयो। बेनि सिगां बे बोसोरनि रंजालि बैसागुनि समाव आसाम सरकारनि मावफारिया आरो पेन्सनारफोरनि डिए आरो डिआरआ बांदोंमोन। आसामनि गिबि मन्थि उ हिमन्त बिश्व शर्मानि दैदैन्याय सरकारनि (□ 5 बिलाइआव)

बड'लेण्ड मुलुग सोलोंसालि बर' फरायसं मिरुआ दिने दि बुकां मुनि गांसे दानथामारि लाइसि बेखेवदों

कक्राझार, 7 नभेम्बर: बर' माहारिनि गारबोनाय आगोमा जादिमिनफोरखौ गोथाडे दोनो आरो बेखौ इयुन जोलैनो मिथिहोलानो थाखाय बड'लेण्ड मुलुग सोलोंसालि बर' बिफाननि हेफाजाबाव बड'लेण्ड इनिभासिडि सेन्टर फर बड' स्टाडिसनि दिहुनायाव गिबि खेबनि थाखाय गांसे जादिमिनारि आबु दानथामारि लायसि दि बुकां बिजाबखौ दिने बेखेवो। कक्राझार सरकारि फरायसालिमानि बारग' गोरायुं आथिखालनि बड'लेण्ड



इनिभासिडि, सेन्टर फर बड' स्टाडिसनि बिथोनगिरि उ बिनय कुमार ब्रह्मनि नाजानायाव गिबि खेबनि थाखाय दिहुन्जानाय बे

बिजाबाव बर'नि मुंदांखा जादिमिन लिगिरि हिआ चरन नाजिरि, बड'लेण्ड मुलुग सोलोंसालिनि बर' बिफाननि बिबुंगोरा उ इन्द्रा बर'मोनजों लोगोसे गुबुन गुबुन हारि-माहारिनि मेलेमजिबि लिगिरि, फारियै उ हेमन्त कुमार दास, उ रातुल डेका, मोनहाबो बे बिजाबाव बर' माहारिनि सायाव माखासे बाथ्राफोरखौ (□ 5 बिलाइआव)

तामुलपुरआव इउ पि पि एलनि गिदिर मावफारिया मेल बिटिआरआव सादा-बुसा सुबुंफोरनि गोजोन, खौसेथि आरो जौगानायानो इउपिपिएल दोलोनि गाहाइ थांखि: प्रमद बर'

स्टाफ रिपटोर/तामुलपुर, 7 नभेम्बर: "2015 माइथायनिक्राय इउपिपिएल दोलोआ बिटिआरनाडै नो लानिथियै खामानि मावबोदों। 2020 माइथायव मिरु सरकारनि हेफाजाबाव बिटिआर गोजोन रादायनि उनाव बिटिआरआव गोजोन सोरजि जादों।"-बे बिबुंथिखौ इउपिपिएल राजखान्थि दोलोनि आफादगिरि आरो बिटिआरनि गाहाइ मावफुं सोद्रोमा प्रमद बर'आ होदों। दिने तामुलपुर जिल्लानि बरखतायाव खुनाय बड'लेण्डनि राजखान्थि दोलो इउपिपिएलनि गिदिर मावफारिया गौमाआव



बाहागो लानानै बिटिआरनि गाहाइ मावफुं सोद्रोमा प्रमद बर'आ बिबुंथिखौ होयो। बिथाडा बुंवावदोंदि, जों गोजेदोंदि मुलुगनि मोनसे

गेदेरथार राजखान्थि दोलो बिजेपिजों लोगो जानानै बिटिआर ओन्सोलाव खुंथाय सामलायनानै गोलेसोनय राइजो-राजाफोरनि थाखाय

खौसेथि आरो जौगाखां लाबोनाय। भारतनि गाहाइ मन्थिनि अमृत समनि जाय भिजन दड; बेनि थाखाय जौबो खामानि मावनांगोन। जों आसामाव सासे मोजां गिबि मन्थि मोनो हादों। जौबो आसामखौ जौगाखांहोनो लुबैयो। लोगोसेनो बिटिआरखौबो जौगाखांहोनो हास्थयो। जों खाफाल गोनांदि, उ हिमन्त बिश्व शर्मा बायदिजों खामानि मावनो खाबु मोन्दों। इउपिपिएल दोलोनि गाहाइ थांखिया जाबाय बिटिआरनि सरसनसा सुबुंफोरनि गोजोन, (□ 5 बिलाइआव)

टेट फोरोंगिरि थिसन्नो दाबिनानै प्रमद बर'नो गोसोखां लाइ गथायदों

तामुलपुर, 7 नभेम्बर: बिटिआर गुदि टेट क्वालिफाइड आफादआ दिने थाबैनो बिटिआर ओन्सोलाव टेट फोरोंगिरि थिसननांगोन दाबिजों बिटिसिनि गाहाइ मावफुं सोद्रोमा प्रमद बर'नो गांसे गोसोखां लाइ गथायनानै होयो। बिटिआर गुदि टेट क्वालिफाइड आफादनि आफादगिरि दाउहर नाजरीआ गोसोखां लाइनि गेजेरजों फोरमायोदि, थांनाय गोलाव बोसोरनिफ्रायनो बिटिआर ओन्सोलाव गाहाय आरो गोजौ गुदिनि बर' आरो असमीया बिजोंआव जेबो रोखोमनि थिसन्थाय होयाखै, बेनि सोलाथै 1999 माइथायनि फोरोंगिरि थिसन्थायनि बिथिडवसो बिटिसि सरकार गोनांथि होनायखौ नुनो मोन्दों। बे बिथिडव सिगां आसाम टेट उथिसरानाय बिजाथि थानायजों लोगोसे गोदानै खुनाय 6 थि फारिलाइनि टेटआव बिटिआरनि गोबां गुन गोनां लाइमोन सेंग्रा-सिखलाफोरा उथिसरबोदों। मख'नो गोनांदि, थांनाय गोलाव बोसोरनिफ्रायनो गाहाय आरो गोजौ गुदि फरायसालिफोराव थिसन्थाय होयैनि जाउनाव बिटिआर नाडैनो गोबां फोरोंगिरिनि मासि लांदां जानानै थानायनि थाखायनो निखावरि सिमना हांखोनि सिडव थानाय आरो सरकारि फरायसालियाव फरायनाय फरायसाफोरनि इयुना खोमसिनि फार्से आगान (□ 5 बिलाइआव)

बिकेडब्लिउएसिआ कामरुप जिल्लानि गंथाम बर' बिजोंनि फरायसालियाव चेक गथायदों

रडिया, 7 नभेम्बर: बि टि आरनि बाइजोनि बर' बिजोंनि फरायसालिफोरखौ जौगाखां होनायनि थांखिजों बर' कछरी हायुडारि गावखुंथायआ बर' बिजों फरायसालिफोराव रां अन्सुथाय होनाय बायदिनो दिने कामरुप जिल्लानि रडिया खोन्देनि बेन्देखव थानाय 72 नं केक'हाटि गुदि फरायसालि, 79 नं भातकुसि गुदि फरासालि आरो 20 नं बनगाव गुदि फरासालियाव गाहाइ फोरोंगिरि (□ 5 बिलाइआव)



दिवालीआव हानि बाटिजों आसाम आरो सा-सान्जानि हाथायखौ दखल खालामनो आसारिकान्दिनि हाजों मुसुखा सोरजिग्रा आरिमुगिरिफोरा थांखि लादों

गौरिपुर, 7 नभेम्बर: काली फुजा आरो दिवालीआ खुंजानो माखासे सानफोरल' आद्रा दंसे। बेनि सिगां थुबुरि जिल्लानि दरसे गामियाव जोबोद मुखुब जानानै खामानि मावगासिनो दडा' जिल्लानि सिडव गौरिपुरनि साखाथि तेराकता गामि मुंजों मिबथिजानाय आसारिकान्दिनि हाजों मुसुखा बानायग्रा आरिमुगिरिफोरा आथिखालाव सान-हरनाडै हानि बाटि दानायव मुखुब जानानै दड। मख'नो गोनांदि, आसारिकान्दि गामिनि गासै गं 200 नख'रिफोरा फोलेसरि महरआव तेराकता आरो हाजों मुसुखा बानायग्रा आरिमुगिरिफोरजों लोब्बा जानानै दड। दिवालीनि सिगां बिसोर नख'रिफोरनि बासिनै हौवा-आइजोफोरा आथिखालाव सम गैथै जादों। साफ्रामबो फिसा-गेदेर दाथायनि समायना-स्मयना बाटि दानायव मुखुब जानानै दड। (□ 5 बिलाइआव)

भवानिपुर आन्सलिक फरायसालिमाखौ नाकनि हान्जाया नायसंफेदों

भवानिपुर, 7 नभेम्बर: भवानिपुर आन्सलिक फरायसालिमायाव उथि खेबनि थाखाय नाक (एनएएस)नि साननै नाडै दावबायना नायसंफेनाय हाबाफारिया दिने थुंगेयो। मख'नो गोनांदि, मैयानिक्राय साननैनाडै नाकनि हान्जाया भवानिपुर आन्सलिक फरायसालिमानि गुबुन गुबुन बिथिफोरखौ नायसंदों। सा 3 सोद्रोमनि नाकनि हान्जायाव आफादगिरि महैरि केरेलानि मिरु मुलुग सोलोंसालि प्रफेसार



भाइस चेन्सलर उ जय प्रसाद के, सोद्रोमा महैरि पान्जाव लुधियानानि जिइसजिइस

फरायसालिमानि बारग' गोरायुं उ अमनद्विप कौर आरो (□ 5 बिलाइआव)

जतिन इस्लारी गोसोखां फुटबल ट्रफि

बासुगाव, 7 अक्टबर: कक्राझार जिल्लानि सातबिन्दो-हरिगाव जोहोलाव सोमब्ला बसुमतारि गोसोखां गेलेग्रा फोथारव खुंबाय थानाय 10 थि जतिन इस्लारी गोसोखां फुटबल ट्रफिनि दिनेनि गिबि सेमि फाइनाल मेचखौ पर्वतझर एफसि आरो बिजनी फेरेंग्रा एफसिनि गेजेरव खुंनाय जायो। मोनैबो हान्जानि नारा-नाथाद जुजिलायनाय दिनेनि मेचआव पर्वतझर एफसिआ बिजनी फेरेंग्रा एफसिखौ 3-1 गलनि फारगथियाव फेजेनानै फाइनालआव सहैनो हायो। दिनेनि गिबि सेमि फाइनाल मेचखौ सामब्लायो बिकाश लामा, तरुन चन्द्र राय, राजेश तुडु आरो कामिनि कुमार दैमारीआ। गाबोन नैथि सेमि फाइनाल मेचखौ कक्राझार बारहुंखा एफसि आरो गसाइगाव ग्लबेल एफसिनि गेजेरव खुंनाय जागोन। सालाकाति गेलेमु फोसावर्दि स'साइटिनि बान्जायनायाव खुंनाय जतिन इस्लारी गोसोखां फुटबल ट्रफि बादायलायनायनि (□ 5 बिलाइआव)

बजाली जिल्ला खुंथाइनि साखोन-सिखोन आरो सोमखै फुजानि बान्था गथायदों

भवानिपुर, 7 नभेम्बर: बजाली जिल्ला खुंथाइनि बान्जायनायाव गिबि खेबनि थाखाय खुंनाय सोलिफु बोसोरनि साखोन-सिखोन आरो सोमखै दुर्गा फुजा खुंनायनि सेथि बान्था मोनो हायो सरुपेटा सर्वजननी श्री श्री दुर्गा फोबों आफादआ। बे बान्थाखौ मोनो हानानै गेदेरथार सरुपेटा दुर्गा फुजा फोबों बान्जाय आफादआ रंजाखोंदों। बजाली जिल्ला बँगिरिनि मावखुलि मेल जथुमसालियाव दिने सान्जौफु



समाव खुंनाय मोनसे हाबाफारियाव जिल्ला बँगिरि मटुल कुमार दासआ बे बान्थाखौ सरुपेटा दुर्गा फुजा फोबोंनि

बान्जाय आफादनो गथायना होयो। सरुपेटा दुर्गा फुजा फोबोंनि अरायथा आफादगिरि (□ 5 बिलाइआव)

बिश्वकर्मा यजनानि गेजेरजों दर 10 राइज्योफोराव ट्रेनिं होनाय जादों

गोदान दिल्ली, 7 नभेम्बर : हादतआव मिरु सरकार सुबुंफोरनि जौगाखानायनि थाखाय गोबां स्कीम लाबोगासिनो दड। बेफोरनि गेजेराव मोनसेबाव स्कीमखौ सरजाबनाय जादों। गाहाइ मन्त्रि नरेन्द्र मदिआ सोलिफु बोसोरनि उदासिन सान, थांनाय 15 आगस्टनि खाबुआव 'भिश्वकर्मा यजनाखौ फोसावदोंमोन। बेनि उनाव गाहाइ मन्त्रि भिश्वकर्मा यजनाया जागाय जायो। बेजों लोगोसेनो सरकारा पिएम बिश्वकर्मा यजनानि गेजेरजों ट्रेनिं प्रग्रामबो जागायो। बे यजनाखौ गोहोम गोनां खालामनायनि फारसे मोनसे मख'जाथाव थांखि आजावनानै सोलो जौगाखं आरो उद्यगआरि मावख'या बेनि गेजेरजों ट्रेनिं प्रग्राम जागायनो फोसावदों। बेनि थांखिया कारिगरफोर आरो शिल्पगिरिफोरखौ रोंग'थि गोनांसिन खालामनाय। एनआइए एसबिआइडिआव 6-10 नभेम्बर, 2023 सिम बे ट्रेनिं आ सोलिगासिनो। बे प्रग्रामखौ



गुवाहाटी, 7 नभेम्बर: सा-सान्जा सिमना रेलवेनि सिडव रेलवे प्रटेक्सन फर्स(आरपिएफ) आ थांनाय जानुवारि दाननिफ्राय सा 600 निबो बांसिन लांखारजानाय उदैफोरखौ रेखाथि होनो हादों आरो बेजों लोब्बायाव सा 16 सुबुंफोरखौ हमनो हादों। एनएफआरनिफ्राय फोसावनाय मावख'यारि डाटा बादिब्ला, जानुवारि-अक्टवर दाननि गेजेराव गासै सा 116 हिन्जावसाफोरखौ लानानै गासै सा 623 उदैफोरखौ बोखानो हादों आरो लांखारनाय जाथायजों लोब्बायाव थांनाय सा 16 दायनिगिरिफोरखौ हमनो हादों। सा-सान्जा सिमना रेलवेनि बेंखनआव थांनाय रेलवे स्टेसननि फारिआव गुवाहाटीखौ लाफानानै बडाइगाव, निउ जलपाइगुरि, आगस्तला, रडिया, कतिहार, डिमापुर, निउ कचबिहार, आलिपुरदुवार आरो राइपारा नर्थ रेलवेआबो गोलैयो। मख'नो गोनांदि, आरपिएफनिफ्राय सिग्रोमनाय हाबाफारिजों रेखाथि

दिल्ली, गुजरात, हरियाणा, मध्य प्रदेश, पान्जाब, राजस्तान, उत्तर प्रदेश, उत्तरखान्ड, सोनाब बंग' आरो छत्तिसगडुजों लोगोसे दर 10 राइज्योफोराव खुंनाय जादों आरो 41 मास्टार ट्रेनिं लाग्राफोरनो ट्रेनिं होयो। पिएम बिश्वकर्मा यजनाया मिरु सरकारनि मोनसे यजना। बेनि गेजेरजों आखायजोंनो हाथुरा आरो गुबुन दाजेमखौ बाहायना खामानि मावग्रा कारिगर आरो शिल्पगिरिफोरनो मदत होनाय

जागोन। बे यजनायाव मोन 18 फालांगिरिफोराव आखाय होनाय कारिगरफोर आरो शिल्पगिरिफोरखौ लोफानाय जादों। पिएम बिश्वकर्मा फोरमानलाइ आरो आइडि कार्डनि गेजेरजों कारिगर आरो शिल्पगिरिफोरखौ सिनायथिनाय जागोन। गासै 5-7 सान बेसिक ट्रेनिं आरो 15 सान एबा बेनि बाविसिन एडभान्स ट्रेनिंखौ सानसेयाव 500 रं पेमेन्ट हिसाबे होनाय जागोन।

मिनिमाम बिदुडव 12 डिग्रा सेल्सियाससिम दावखलायनो हागौ। बोथोर बिफाननि बादिब्ला, मंगलबार हरनिफ्राय राइज्योआव गुसुआ बांगोन। बे समाव राइज्योनि बोथोरआ रानस्त्राव जागोन। बेनि अनगायै बुधवारखालि राइज्योनि माखासे बाहागोफोराव फुंनि समाव गुसुखौबो नुनो मोनो हागौ। बेराफासै बेंगालुरुआव थांनाय हरआव हरखाबे फेनाय थाद'नाय गैयै अखा हानायनि जाहोनाव सहरनि माखासे जायगाफोरनि लामायाव दै लोमसावो।

दिल्लीनि नोगोरारिफोरा थाबैनो आबहावा गुबुंलेनिफ्राय रेखा मोन्नो हासिगौ!

गोदान दिल्ली, 7 नभेम्बर: दिल्लीजों लोगोसे गासै सा भारतआव गुसुआ लासे-लासे आगान होफेबाय। आथिखालाव गुसु बोथोरनि सिगानों दिल्लीआव आबहावा गुबुंलेआ सुबुंफोरनि जिउखौ जेंना गोनां खालामदों। राजथावनिनि माखासे ओन्सोलफोराव एकिउआइनि थाखोआ जिउ फोजोबसंग्रा जानो हमदों। बेबादि समाव दिल्लीनि सुबुंफोरनि थाखाय बोथोर बिफानआ गोजोन्थाव खौरां फोसावदों। बिफानआ थाबैनो दिल्लीनि थागिबिफोर आबहावा गुबुंलेनिफ्राय एसे रेहाय मोन्नो हागौ। मंगलबारखालि राजथावनि दिल्लीआव सरासन्सा खुवाखौ नुनो मोन्नो हागौ। ओन्सोलनि बिदुडा मेक्सिमामयै 31 डिग्री सेल्सियास आरो मिनिमामआ 14 डिग्री सेल्सियासयै थांनो हागौ। बोथोर बिफाननि बादिब्ला, राजथावनि दिल्लीआव फेगौ बृहस्पतिवारनि बेलासि एबा हराव



सरसन्सा अखा हानो हागौ। बे अखाया बोथोर सोलायनायनि गेजेरजों मोनसे सोनाबयारि नारसिन्थायनि जाहोनाव हागोन। बेनि जाहोनाव आबहावा गुबुंलेआ एसे रेहाय मोन्नो हागौ। अखानि जाहोनाव राजथावनिआव साननि बिदुडा दावखलायनायखौबो नुनो मोन्नो हागौ। उत्तर प्रदेशनि माखासे जिल्लाफोराव मंगलबारखालि

एसे रेहाय मोन्नो हागौ। अखानि जाहोनाव राजथावनिआव साननि बिदुडा दावखलायनायखौबो नुनो मोन्नो हागौ। उत्तर प्रदेशनि माखासे जिल्लाफोराव मंगलबारखालि

मिनिमाम बिदुडव 12 डिग्रा सेल्सियाससिम दावखलायनो हागौ। बोथोर बिफाननि बादिब्ला, मंगलबार हरनिफ्राय राइज्योआव गुसुआ बांगोन। बे समाव राइज्योनि बोथोरआ रानस्त्राव जागोन। बेनि अनगायै बुधवारखालि राइज्योनि माखासे बाहागोफोराव फुंनि समाव गुसुखौबो नुनो मोन्नो हागौ। बेराफासै बेंगालुरुआव थांनाय हरआव हरखाबे फेनाय थाद'नाय गैयै अखा हानायनि जाहोनाव सहरनि माखासे जायगाफोरनि लामायाव दै लोमसावो।

एमएनएफआनो गोबां भट मोनानै मिजरामनि खुंथायाव फैफिनगोन : गिबि मन्त्रि जराम थांग

आइजल, 7 नभेम्बर: मिज' नेशनेल फ्रन्ट (एमएनएफ) नि आफादगिरि आरो मिज'रामनि गिबि मन्त्रि जरामथान्गाया मंगलबारखालि गावनि पार्टीआ खुंथायनि हेंथायै दोहौखौ फेजेनानै आरोबाव



राइज्योयाव सरकार दानायाव जाफुंगोन होना फोथायनाय होदों। राइज्योनि सा 40 सोद्रोमा थांनाय बिधानसभा मासियाव मंगलबारखालि बिसायख'थि जागोन, जेराव सा 16 आइजोफोरजों लोगोसे सा 174 बिजाथिफोर बिसायख'थियाव बादायगोन। खुंथाइआव थांनाय एमएनएफ, कंग्रेस आरो जराम पिपल्स मुबमेन्ट गासै बो

मासिफोराव बादायलायनाय जागोन। मंगलबारखालि आइजलनि साहाफासै थांनाय मोननै मासियाव भट सोनायनि सिगां सासे 79 बोसोरनि सुबुंआ मिडियानि सिगाडव बुंदों, गाव आवुडै गोबां भट मोननायजों सरकार दानायाव जाफुंसारगोन होना फोथायो। मख'नो गोनांदि, सिम जरामथान्गाआ आइजलनि साहाफासै थांनाय

मोनसे मासिनिफ्राय बादायदों। एमएनएफ आ मिरुआव खुंथायाव थांनाय मोनसे मासिनिफ्राय बादायदों। एमएनएफ आ मिरुआव खुंथायाव थांनाय पार्टी बिजेपिजों दैदेनजानाय एनडिएनि बाहागो, नाथाय मज्रामआव बे पार्टीआ रवनिबो एलाइन्सआव गैया। सिम जरामथान्गाया एमएनएफनि गोबां भट मोननायनिफ्राय जानगावराव थांनानायाव भगवा पार्टीजों एलान्सखौ लानानै सोंथि सोंजानायाव फिन्नाय होयो मिजरामआव हांग पालियामन्ट गैया। बेयो एमएनएफ सरकार जागोन आरो गाव बेनि सायाव आवुडै फोथायो।



होनो हानाय गासै गथ'फोरखौ गावसोरनि नख'रसिम गथायहरफिननोबो हादों। रिपर्टनि बादिब्ला, बिमा-बिफानो गथायहरफिन्नायनि

सिगां बिफाननिफ्राय सिनायथिनो हानाय खांथिजों गथायहरदों। हमनाय हाबाफारिआव आरपिएफआ साइल्डलाइन नम्बर आरो

माखासे एनजिअफोरनि गेजेरजों हाबाखौ मावबोदों। थांनाय माखासे सान सिगां सा-सान्जा सिमनायारि रेलवेनि बेंखनआव सुबुं लांखारनाय हाबाया गोखैयै

केजरिवालखौ ग्रेप्टार खालामगोननि सन्देह'आव आप मन्त्रिनि बिबुंथि

गोदान दिल्ली, 7 नभेम्बर : दिल्लीनि गिबि मन्त्रि अरबिन्द केजरिवालखौ इडिनिफ्राय मोन्याय समननि उनिफ्राय दिल्लीनि राजखान्थियाव दावराव-दावसि सोमजिखोंदों। आम आदमी पार्टीनि माखासे मन्त्रिफोर आरो दैदेनगिरिफोर ग्रेप्टार खालामजाखोंबाय आरो माखासे दैदेनगिरिफोरनि सायाव खना-खनला सिग्रोमनायाबो सोलिगासिनो दड। आथिखालाव राजखान्थियायि थासारायाव सन्देह'खालामनाय बायदिब्ला थाबैनो गिबि मन्त्रि अरबिन्द केजरिवालखौबो ग्रेप्टार खालामनो हासिगौ। बेबायदियाव पार्टीनि दैदेनगिरिफोरा बे आयदानि सायाव सावरायदोंदि, केजरिवालनि जोबथेसालियाव थांनानायाव थासारायाव दिल्ली सरकारखौ सोर सामलायगोन। ग्रेप्टारखौ लानानै सावरायनायनि



गेजेराव दिल्लीनि गिबि मन्त्रि अरबिन्द केजरिवालआ समबारखालि हरखाबै आपनि एमएलएफोरनि जथुम्मा खुंदोंमोन। बे जथुम्माया दिल्ली बिधानसभायाव जादों। मख'नो गोनांदि, इडिआ 30 अक्टवरखालि मोनसे नटिस दैथाइहरनानै अरबिन्द

केजरिवालखौ 2 नभेम्बरखालि सोंथि सोंनो थाखाय लिनहरदोंमोन। बिनो दिल्लीनि जौ गेना-खांथि केसआव समन दैथाइ हरनाय जादोंमोन। अरबिन्द केजरिवालआ इडिनि बे समनखौ आइनारि नडै होना फोरमायदोंमोन आरो नायबिजरग्रा एजेन्सिन

सिगाडाव तुजाथिहै नो नेवसिगरदोंमोन। दिल्लीनि आम आदमी पार्टी सरकारनि मन्त्रि आतिसिया जथुमायाव गिदिर खौरां होदों। बियो बुंदों, दिने दिल्लीनि गिबि मन्त्रि आरो आप एमएलएफोरनि जथुम्मा जादों, जेराव दैदेनगिरिफोरा खौसेयै बुंदोंमोनदि, थौरनो मदि सरकार अरबिन्द केजरिवालखौ ग्रेप्टार खालामा मोनो नाथाय थैवब्लाबो बिनो बिबान एंगलायनाय नडा। दिल्लीनि सुबुंफोरा बिनो मेनडेट होयोब्लाबो, जोबथेसालियाव दैथाइहरब्लाबो बियो दिल्लीनि गिबि मन्त्रिथैयो नो थागोन।

छत्तिसगडुआव बिसायख'थिनि सानाव नक्सालिफोरा आइडिजों गाग्लोबदों

गोदान दिल्ली, 7 नभेम्बर : छत्तिसगडुआव दिने बिधानसभा बिसायख'थिनि गिबि खोलोबाव मोन 20 मासिफोराव भट होदों? बे समाव नक्सालि गोहोम गोरलैनाय सुकमा जिल्लायावबो भटिखौ लानानै गोबां गोसो गुदु जादों। गोबां अन्जमानि आइजोफोर भटनि थाखाय न'नि बायजोआव ओंखारलदों। फुंनि 9 रिगासिमाव 9.93 जौखोदो भट होनाया छत्तिसगडुआव जादों। भटनि गेजेरजों सुकमायाव थांनाय मोनसे बारुद गोनां सुरंग'आव बेरफ्रुयो। बे जाथायाव मिरुआरि रिजाभ पुलिस हान्जा (सिआरपिएफ) नि बिबानगिरिया जोखोम जायो। बिबानगिरिफोरा मंगलबारखालि बेनि खौरां होयो। राइज्योनि नक्साल गोहोम गोरलैनाय बस्टार



ओन्सोलजों लोगोसे मोन 20 बिधान सभा ओन्सोलाव दिने गिबि खोलोबनि भटि जागासिनो दड। पुलिस बिबानगिरिफोरा फोरमायनाय बायदिब्ला, जिल्लानि चन्डामार्का केम्पनि सिडव थांनाय एल्मागुन्डा गामिनि गासै बारुद गोनां सुरंग'आव बेरफ्रुयो, जेराव सिआरपिएफनि कबरा बे टेलियाननि बिबानगिरि श्रीकान्तआ जोखोम जायो। बिथाड फोरमायदों, दिने फुडव

भारतनि रेखाथिनि थाखाय चन्डामार्कनिफ्राय कबरा 206 आरो सिआरपिएफनि जवानफोर एल्मागुन्डा गामिनि फारसे ओंखारलदोंमोन। पेट्रोलनि समाव कबरा 206 नि बिथोनगिरि श्रीकान्तनि आथिड नक्सालिफोरनि गेजेरजों बसायनाय बारुदी सुरंग'आव गोरलैयो, जायजों बेयाव बेरफ्रुयो। जोखोम जानाय रेखाथि मावसुमानि गुदि फाहामथाइ होगासिनो दड।

Lost

(Death Certificate)

Ajendra Narzary
Vill.-Banalpara
Date of Death-07-02-2003
Registration No-31
Date of Registration-11-02-2003.
Name of Father:-Lt. Khakreng Narzary.

No.KDB/BTC/6th FC/2023-24/1874

Dated Kokrajhar the 6th Nov.2023

NOTICE INVITING TENDER

Sealed tenders are invited on behalf of Panchayat & Rural Development, BTC, Kokrajhar, for the intending Contractors/Suppliers/Firms for the work mentioned below:-

Sl. No.	Name of activity	Estimated Value (In Rs.)	Tender Value (In Rs.)	EMD/Bid Security (In Rs.)	Tender Fees (In Rs.)	Last date & time of bid submission	Date & Time of bid opening
1.	Const. of road with Earth filling and sand gravelling at Swmkhwr Nwgwr new village	Rs. 14,00,000.00	Rs. 13,87,237.00	Rs. 14,000/- (1% for ST/SC/OBC) & Rs. 28,000/- (2% for Gen)	Rs.500.00	29-11-2023 (14.00 Hrs)	29-11-2023 (14.30 Hrs)
2.	Const. of RCC Box culvert at Tharaibari village road	Rs. 10,17,000.00	Rs. 10,08,232.00	Rs. 10,170/- (1% for ST/SC/OBC) & Rs. 20,340/- (2% for Gen)	Rs.400.00	29-11-2023 (14.00 Hrs)	29-11-2023 (14.30 Hrs)
3.	Const. of RCC Box culvert at Choto Adabari to VCDC Office	Rs. 15,32,275.00	Rs. 15,18,810.00	Rs. 15,323/- (1% for ST/SC/OBC) & Rs. 30,646/- (2% for Gen)	Rs.500.00	29-11-2023 (14.00 Hrs)	29-11-2023 (14.30 Hrs)

Details NIT may be seen in all working days during office hours in the office of the undersigned. Tender papers will be issued to the contractors or their authorized agent from 08-11-2023 to 29-11-2023 in the office of the undersigned on payment of cost of Tender paper in the form of demand draft/Banker cheque from any Nationalized Bank, duly pledged in favour of the Principal Secretary, BTC, Kokrajhar, payable at Kokrajhar. The Contractor should submit attested copy of latest Registration Certificate, GST Labour License, Pan Card, etc. along with the tender. In case office remains closed on tender issuing/receiving/opening date the same will be issued/received/opened on the next working days without further notification. The successful Tenderer has to be submitted 1% (One P/C in case ST/SC/OBC/MOBC) and 2% (Two P/C in case of General) S.D. Money against the work in the form of FDR/Bankers cheque/Demand Draft from any Nationalized Bank duly pledged to the Block Development Officer, Kokrajhar Development Block, Titaguri as mentioned above at the time of allotment of work. After the Tender the Comparative Statement and the Tender papers along with other relevant papers will be forwarded to the Director, P&RD, BTC, for his kind approval. The Director P&RD, Kokrajhar reserves the right of accepting of tenders paper or outright rejection of the same without any reason thereof.

The Tender documents can be seen/obtained from <http://sppp.assam.gov.in> from 08/11/2023 (10.30 hours). A pre-bid meeting will be held on 13-11-2023 (11.30 Hrs). The address for the meeting is o/o the B.D.O., Kokrajhar Development Block, Titaguri. The Bid will be opened in the office of the undersigned as per the schedule mentioned above. The Tender Inviting Authority reserves the right to accept or reject any bid/tender and to cancel/annul the bidding process and reject all bids at any time prior to contract award.

Sd/-

Name of the TIA:- BDO, Kokrajhar Dev. Block, Titaguri
Address of the TIA:- BDO, Kokrajhar Dev. Block, Titaguri

IPR(BTC)-2023-24/726

No.FDW/105/Forest Supply/2023-24

Dated, Kokrajhar, 07th November, 2023

Tender No. BTC/Forest/Kokrajhar/02/2023

PRESS NOTICE

The Additional Principal Chief Conservator of Forests cum Council Head of Department, Forests, Bodoland Territorial Council, Kokrajhar invites tender affixing court fee stamp of Rs. 8.25/- only from Class-I Supplier/Register Farm to be executed under this O/o the Addl. Principal Chief Conservator of Forests cum CHD, BTC, Kokrajhar for supply of following items under the terms and conditions as given below.

Sl. No.	Name of Items	Amount
1	Purchase of Hp Computer (Desktop) with accessories and Canon Printers to supply to various Forest Divisions	Rs. 20,00,000.00
2	Purchase of Global Positioning System (GPS) to supply to Forest Divisions	Rs. 17,99,736.00
3	Purchase of Camera trapping under Kachugaon Division	Rs. 7,49,772.00

Sd/-

Addl. PCCF cum CHD,
BTC, Kokrajhar

IPR(BTC)-2023-24/722

No.KDB-445/2022-2023/7995

Dated Gurufela the 6th Nov., 2023

NOTICE INVITING TENDER

Sealed tender affixing a non-refundable court fee stamp of Rs.8.25 (Rupees Eight and twenty five rupees) only with a validity period of 180 days, which will subsequently be to be converted and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC. According to their eligibility for submitting tenders for the works under SOPD fund for the year 2023-24 as stated below. The tender will be received by the undersigned upto 2.00 PM of 30/11/2023 and will be opened on the next day at 3.PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion	Remarks
1	Const. of S. Ulafat Memorial Community Hall at Raimona Forest Bazar	Raimona Forest Bazar	Rs. 18.00 L	0.03%	SC/ST= 1% OIH = 2%	3 months	

Details N.I.T may be seen in all working days during office hours in the office of the undersigned. Tender will be issued to the contractors of their authorized agent from 10/11/2023 to 30/11/2023 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela the contractors should submit attested copy of latest Registration Certificate latest clearance certificate of income Tax and Sale Tax, PAN Card, GST, Caste certificate along with the tenders in case the office remains closed on tender issuing/receiving/opening date will be issued/received/opened on the next working day.

Sd/-

Block Development Officer,
Kachugaon Development Block, Gurufela

IPR(BTC)-2023-24/721

सिख्रिफोरनि मेगना मा-माखौ नुयो आरो बिगियानआ बेनिफ्राय मा मुलाम्फा दड?

बिगियानगिरिफोरा सिख्रिफोरनि नुनो हानाय गोहोखौ बाहायनाने मोनसे ओरेबायदि जोन्शोर जौगाखां होदो, जायजौं रोजा-फान्थाव गाब सोमजिख्रा थोफोनि नुनो हागोन। सोमोनाथव सेन्सारनि गेजेरजौं बिगियानगिरिफोरा जोबोर सांग्राडे केन्सारनि जिबख्रिफोर आरो हेल्दी जीबख्रिफोरनि गेजेराव मोजाडे फाराग खालामनाने बेफोरखौ सिनायथिनो हागोन। बे टेक्नीकआ फाहामगिरिफोरनि बिथिख्रिफोर मोलामनाने लाबोने हागौ।



टेक्नीक जौगाखानायव सुबुंफोरा बांसिनै मिथिंगानिफ्रायनो थुलुंगाखांदों। बे बिथिख्रिफोर बिगियानगिरिफोरा मोनसे आलादा जाफुंसारनाय मोनफुंनो हादों। सिख्रिफोरि नायनो हानाय जरखा गोहोखौ बाहायना संदानगिरिफोरा केन्सारखौ सिनायथिग्रा टेक्नीक जौगाखां होनायाव जाफुंसार जानो हादों। बेनि गेजेरजौं केन्सारनि जीबख्रिफोर आरो गात्रि जानायफोरखौ मोजां जीबख्रिफोरिफ्राय आलादा



खालामनायाव गोरलैसिन जागोन। बिगियानगिरिफोरा फिलिलिय' जुथुस मुंनि सिख्रिफोरि रोजा फान्थाव गाबखौ सिनायथिनो हानाय गोहोखौ बाहायदों। सुबुंनि मेगनाव बे गोहोआ गैया। बे मिथिंगायारि गोहोखौ बाहायनाने बिगियानगिरिफोरा ओरेबायदि एमेजिं सेन्सार

जेसेबां गोजौनिफ्राय गोग्लैया मानो मावजिफोरा हायाव आथिंजौं गाफैयो, मिबथिनो गोनां थियरि

बारहावायाव गोजौनिफ्राय जायखि-जाया मुवायानो गोग्लैया मानो बेयो बै अबस्थायावनो हायाव सौग्रावफैयो, जाय अबस्थाया गोग्लैजेनायाव दंमोन। जेब्ला सुबुंआ हायाव आथिंखौ गोजौनिफ्राय बाजुमना गाफैयो अब्ला बियो आथिंनि बोलोजौंनो हायाव सौदावफैयो। बिब्दिनो खर'थिं गोग्लैफैयोब्ला खर'आ हायाव सौग्रावफैयो। नाथाय मावजिया जेब्लायबो आथिंजौल' हायाव गाफैयो। जायखि जाया थासारियावनो गोग्लैया मानो मावजिया हायाव गावनि आथिंखौ गाजबफैयो। जोबोद गोखैयै



गोजौनिफ्राय गोग्लैयोब्ला मावजिया गावनि सोलेरखौ बेल्थायनाने आथिंखौ हायाव गाफैनाय बायदि नुनो मोनो। नाथाय माबोरै बिब्दि जायो, बेखौ जौं गुवरै दिने मिबथिनो मोनगोन। बिब्दि गोबां जाथाइखौ जौं नुनो मोनबायदि, जेसेबां गोजौं 20-30 थाला बिब्दिफोरनिफ्रायबो गोग्लैया मानो मावजिया हायाव गावनि आथिंजौं

मुम्बाइआव इलेक्ट्रिक वाटार टेक्सिसया डिसेम्बरनिफ्राय बाहाय जासिगोन


मुम्बाइ, 7 नभेम्बर : फैगौ दान डिसेम्बरआव सिमांनि नोगोर मुम्बाइआव इलेक्ट्रिक वाटार टेक्सिफोरखौ जागायनायनि हाबाफारि लादों। बेजौं लोमोसेनो भारतनि बे बिजनेल केपिटेलआ गावनि ट्रान्सफर्टआव मोनसे मख 'जाथाव सोलायनाय लाबोनायनि साखि जानो थांगसिनो दड। बे इनभेतिभ वाटार क्राप्टआ खोला मुम्बाइआव थानाय मुलुगादांखा गेटवे अफ इन्डिया आरो नभि मुम्बाइआव बेलापुरनि गेजेरनि जान्थायखौ खमसिन खालामगोन। लोमोसेनो इलेक्ट्रिक वाटार टेक्सिफोरा जायगानि थागिबिफोर आरो दावबायनो थानाय आलासिफोरनि थाखायबो मोनसे खम बेसेनावनो आरो रेखाथि गोनां यात्रानि अफान जगायना होगोन। सासे गाहाइ गावयारि वाटार टेक्सि अपारेटर, इन्फिनिति हार्बर सार्भिसआ गंधाम मडान इलेक्ट्रिक टेक्सिफोरखौ बायनो थाखाय थोजासे इन्वेस्ट खालामदों। बेफोर टेक्सिनि बेसेना गंसेयाव 2.5 कौटि रं। खम बेसेनाव दावबायनो हानाय एबा ट्रेस्पर्टनि फारसे बिथानि बिबान लानाने मावफुंनानयनि फोरमान महरें गंने 24 सिट गोनां इलेक्ट्रिक वाटार टेक्सिफोरा आथिखालाव गवानि सुन्डर बोरिमायाव गोब्राब ट्रेनिं हागासिनो दड। फारसेथिं उफ्रा गंने मोन 6 सिट गोनां वाटार टेक्सिफोरा गवानि सनायना दै लामायाव खारगासिनो दड। इन्फिनिति हार्बर सार्भिसनि मेनेजिं पार्टनर सहेल कजानिया फोसावदोंदि, मोन 24 सिट गोनां इलेक्ट्रिक वाटार टेक्सिआ खोला मुम्बाइनि गेटवे अफ इन्डियाखौ नभि मुम्बाइनि बेलापुरजौं सरजाबनाय लामायाव खारनो थाखाय थियारि जाबाय।



बानायदों, जाय केन्सारनि जीबख्रिफोरखौ सिनायथिनो हानायनि आदबआव जांख्रिथाइ लाबोने हागौ। सुबुंफोरनिखूइ बांसिन सिख्रिफोरि, मैदेर, खासेव, मेन्टिस थ्रिम्पआवबो नुनो हानाय गोहो दड। नाथाय सिख्रिया फाहामगिरिफोरनि नोजेराव लामा दिहुन्नायनि खामानि होदों। बे स्टडीखौ इलिनियइस आरबाना केम्पेन इडनिभासिटिनि प्रफेसर बिक्टर ग्राएभ आरो प्रफेसर शुमिंआ बुंदों बिथामोनहा सिख्रिफोरि नुनो हाया तन्त्रनि मदत लादों, जाय इडभि



स्पेकडामआव गोबांथिखौ बुजिनो हायो आरो बेखौ बिथा खालामनानेनो मोनसे केमेरा डिजाइन खालामदों, जाय बै तन्त्र बायदिनो खामानि मावो आरो बेयाव गोदान परेबस्काइट नौनक्रिस्टल टेक्नीकजौं लोमोसेनो इमेजिं टेक्नीकखौ मोन्दों आरो बेजौंनो गोबां इडभि एरियाखौ सिनायथिनो हायो। फारसेथिं पपिलिय जुथुस सिख्रिया मोन 6 आरो बेनि बांसिन पटरिसेप्टरखौ सिनायथिनो हायो, जायजौं बेयो फान्थाव गाब आरो रोजा फान्थाव गाबनि गोबां सेडखौ नुनो मोनो। □



गाफैनाने गसडो। नाथाय सोमोनांथावदि, बिगियानगिरिफोरनि बायदिल्ला जेसेबांखि गोजौं एबा एसेल' गोजौं आरो उल्थायै गोग्लैयोब्लाबो मावजिया गावनि आथिंखौ हायाव गाजबफैयो। गोबां सावगारिफोरनिफ्राय मावजिनि बे तथ्यआ रेखा जादों। नाथाय माबोरै मावजिया बारआवनो माबा आर्ट खालामनो हायो नामा ना हासिनो बिब्दि आथिंआ हायाव गाफैनो हायो। बिगियाननि नोजोरै नायोब्ला ल' अफ कन्जाभंशन अफ एंगुलार मुभेन्टमनि बायदिल्ला बेबायदि जाथावना नडादि, बबेबा मुवाया गिदिआलासे गोग्लैयो आरो फिन हरखाब बबेबा बायजोआरि नारसिन्थाइ गैयाजासेनो गिदिनो हानाय मावजिफोरनि केसआव माबोरै बिब्दि जाथाव? बेयो गिदिर सौंधि जाना दंमोन। इलेक्ट्रिकमेनेटिन्मखौ संदाना बिगियानगिरि जेम्स मेक्सवेलआबो बेखौ लाना सोमोनांदोंमोन। बिथाडबो गोबां नायबिजिसनायनि उनाव 1969 आव राहा सुखाना मोनो। □



बेयो आबहावानि फारसे सांग्रां दैनि हान्था-मेला राहा लाबोनायाव मोनसे मख 'जाथाव थांखि होनना मख 'जायो। बेफोर इलेक्ट्रिक वाटार टेक्सिफोराव थानाय मख 'जाथाव जर 'खा बाभ्राफोरनि गेजेराव मोनसेया जादों बेनि एनार्जि इफिसियेन्स। बेफोरो खनसे सार्ज होनायनि उनाव लांश्चियै 4 घन्टासिम सोलिनो हागौ। आगुनिफ्राय सोलिनाय भट एबा नावआ मोनफ्रोम घन्टायाव 140 लिटर डिजेल सावयो। इलेक्ट्रिक वाटार टेक्सिफोरखौ सोलिहोनो थांखि लानाया मुम्बाइनि दै हान्था-मेला राहानि थाखाय मोनसे साबजाथाव ग्रिन सिगनेल, इयुनाव बाडाइ बेसेनाव सोलिनायनि थाखाय मोनसे मख 'जाथाव थांखि होननाबो बुंजायो। □

रंजालि गथ'फोरनि सौरा

रुगुनाय मोदैन निजोरा

अम्बासि खोमसि खोमसि
बिखायाव दावदाबनि अनसुन्दा,
नौनि सावगारिखौ बिखायाव बजबनाने
आबुं खालामनो नाजादों गोसो दैहुखौ रजे
रुगुनाय मोदैन थरथिफोरजों थरफा-थरफायै।

गान्दुया सिगालांदों दिने
हरफोरा आंखौ मिनिगागलाबदों
एम्फौ एनलाफोराबो आंजों रायज्जायनो थाखुमादों,
नौदि खालामलांबाय आंखौ हारसिं एखुथा मावरियाबायदि
नौनि मुंखौ नाजादों सुखानो रुगुनाय मोदैन निजोराजों -
आंनि गोसोनिफ्राय।

नौनि गोसोखांथिफोरा आंखौ दिनेबो उन्दुलानो होयाखै
जिउ-सोलेर होसोमनाने अनो-मोजां मोनोमोन आं नौंखौ
रजे,
नाथाय, बबेनिबा मेगन गोसा बारा बुखारनाने लांबाय नौंखौ
आंनिफ्राय गोजानाव
नायगिरना मोनफिनाखैसै आं दिनेसिमबो रजे नौनि गुमुरखौ
जावलांगासि दं आं दिड - नौंखौ नायगिरनाने रुगुनाय
मोदैन निजोरा दाहाराजों।

गलाप खुंगुर बसुमता
कक्राझार

टेट्राकटिस खनथाइ

जिउ
राहा
गैयाबा
मिर्जिनया
मिर्जिनयैनो थालांवाय थायो

सम
लाना
बिदियाव
जिउ गोरबोया
बिलिर फैखाडे जिउ जिउ जिंगा

सोर
गुमुर
मोनगोन दे
सोरनि जिउवाव
मानि दाहा मानि हांमा थायो

रैदोम बर'
माजदिया, बगुलामारि, बाक्सा

गोजा गलाब बिबार

फालगुन दाननि जावलिआ बाराव।
सानस 'नो हायै लाइमोन बैसोआव
गुवार गोसोनि अन्नाय लानाने
मोजां मोन्दोंमोन रजे
आं नौंखौ जेब्ला।
अब्ला, नौं आंनि बायराव
देरानि लांगोनायाव बारदोंमोन
सानसोनि गोजा गलाब बिबार।
दिने बै गोजा गलाब बिबारा बहा ?... ?
नाथाय, नौदि बै सिख्रिफोरनि
गेजेरावसो बारहैनाइ दं।
आंनि बेसेबा गोजानावसो।।
नौं, मोदोम जायाखैथ',
सिख्रिफोरजों बिदे सोबजानो।
बिबदिनो, र'जे नौंखौ आं
हास्थायदोंमोन मोकथांआव।
नाथाय नौदि बावगारलांबाय
अब्लाबो आं नौंखौ गोर्बोजों
मोजां मोन्दोंमोन...
जाफुं होनो थाखै.....
नाथाय सानाखैमोन नौं र'जे
आंनि अन्नायखौ सैथो गोथार होना।
जाउनाव जानांबाय आं दिने
लोगो गोमाजानाय दाउसा माउरिया
बिदिल्ला र'जे बुं बै समनि
अन्नाया बेसेन गैयामोन नामा।
जानो हागौ आंदि गोरोन्थि
खालामबाय बनि थाखाय नौं
आंखौ नेवसिगारनो हागौ।
नाथाय, नौंबो इसेबां गिदिर
समाय लानायखौ गियाखैसै।
ना नौं समायखौ फिसा
होनाने सासनबाय नामा।
ना फालगुन दाननि थिं थिं
सानुं दुंनायाव रानज्रलानो
हमबाय नामा
बै गोजा गुलाब बिबार।

बैजिन बराचारी
जिल्ला- बडाइगाव, आसाम

आंनि सानरेब

गोबां सानदांथिफोरा
गोसोयाव फैगासिनो दं
आं सोरखौ साजायगोन आंनि
लुबैनाय खन्थाइफोर रनसायनो ?
बे गासिबो इसोरनि हाबिलायावल' दं,
जाय बे बाभ्राखौ थि खालामो
दि मुलुगानो मा मिन्थिनगोन।
गोबां खन्थायगिरिफोरनि
सनेट आरि खन्थाइफोरा गासिबोनि
गोजोन आरो गियाननि थाखाय,
दावराव-दावसिनिक्रय समायना सोरजिनो लिरो।
गुबुन गुबुन आयदाफोरनि सोमोनदै
मोनदांथि एबा गोथौथि सोमजिहोनाय
सानदांथिफोरखौ लिरनो थाखाय
गासिबोनि थाखाय उदां खम्फाया साबसिन,
जेराव गोबां रमाटिक एबा गोजां आयदाफोर दं,
गोबां खन्थाइ लिरनया
फैसालियाव गोमोथाव खामानि मावो,
गोसो दुंखांहोनाय, गोख्रों, थुलुंगाखानाय।

बिग्राइ बसुमता
2 नं बेस्वाव, डेकियाजुलि

रिफिखां फैफिनदों

रिफिखां फैफिनदों दिने
गोरबोआव सैनाय नौनि सावगारिनि
जिखलाबसे आबिर गाबा,
समनि फाख'नाव
सानसिनि दाहाराजों
दिने फैसालि दैखांफिनदों।

दिदोमैनो दं आं
जेबोनो बावलाडखै,
नौनिनो मुं लायो दिनेबो,
एंगाराखै नाजानायखौ
आरो मेडखै एसेबो
नौनि खोथा साननाने।

बोहैदोंमोन सानसे
अननायनि फिथिखाया,
दैमा जानाने लैथो लैथोमासिम
आंनि बिखा गेजेरजौं,
जोमै जानाने आंनि नखाडव
नौं बिलिर फैदोंमोन।

दिड जावदोंमोन आंनि जिउनि
नौनि अननाय ? लैथोआव,
बैथा दैनाने
नुहर 'थै रुगुंखौ थांखिनाने
हान्थिदोंमोन आंबो
नौनि जिउनि लोगोरि जानो।

नाथाय नौनि रादाया र'जे..... !
नौनि बै आंजों सुजुनाय सिमाड..... !
बोरै गोमालांखो ?
मा जालांखो नौनि सतबांसाया ?
अननायनि जिन्जिखो थबस्' बस'नाने
नौं मानो आनज्जायलांखो ?

सहायनो हायाखै र'जे
नौनि खाफालनि सिन्दुरखौ नुनाने
सोरबा अनजालुनि बिखायाव
नौंखौ हुब्लिनयाय नुनाने
फोजोबसांनो गोसो जादों गावखौनो
खाना जाना थानो लुबैदों आं।

बिरनजय मोसाहारि
गामि: डांतला, गहपूर,
बिस्वानाथ

मिथिंगा

बेसेदि समायना बेसेदि रमायना जौनि
बे आसाम हादरनि मिथिंगा बिखाया।
सारि सारि बिफां लाइफां लारि लारि
हाजोनि सारि जौनि बे आसाम हादरआ।
जैरेबो सोरगिदिं समायना रमायना गय
खन्थाल थाइजौनि बारि बर फिसानि
गामि, गोजौं गाहाय जैरेथिबो समान
जौनि बे बर हारिनि गामिया, समायना
रमायना गाबजों दाजानाय गोमो गोथां
रनि बर हिनजावफोरनि दखना गान्नाय।
बेसेदि समायहाब होदों जौनि हारिनि
सिनायथि समायना मिथिंगा बिखायाव
मा एसे मोजां समाय नाइनि गोमो गोथां
गाबजों मा एसे समाय हाबदों जौनि बे
मिथिंगानि बिखायाव आय हाबाब।

मुंनि रन्थय कुमार बर
गामि:- लाबिखुर्गि

इज्राइल-गाजा दावहायाव जारिमिनाव बयनिख्रुइ बांसिन इउएन रेहाय होग्रा मावसुमाफोरा थैदों

गोदान दिल्ली, 7 नभेम्बर : गासै दानसेनि सिगां जागानाय उतखारि गार्लोबनाय आरो सा 1400 नोगोरारिफोर थैनाया इज्राइलखौ आबुडे बायगिलहोदों। इज्राइलआ हमासखौ फोबोबनो समाय लानानै गासै गाजा पट्टीयाव गिखंथावयै गार्लोबनासिनो दड। बेनि गेजेरजों इज्राइल नेशननि गाहाया गाजायाव इउएननि रैखाथि खालामग्रा मावसुमाफोर थैनायनि सायाव दुखु मोन्याय फोरमायदों। बिथाड बुंदों, इउएनखौ गायसनायनि उनिफ्राय जारिमिनाव गाजायाव थैनायजों समान रेखा खालामग्रा मावसुमाफोरा माब्लाबाबो थैफेराखै। इज्राइल आरो



हमासनि गेजेराव सोलिनाय दावहायाव दासिमाव गाजा पट्टीयाव इज्राइल नेशननि गासै सा 89 रैखा खालामग्रा

मावसुमाफोरा थैदों। बिथाड गाजायाव थैनाय रैखा खालामग्रा मावसुमाफोरनि नख र'नि सोद्रोमाफोरजों लोगोसे दुखुनि

समाव दंफायो होना बुडो। इज्राइल नेशननि गाहाइ एन्टिनिय गुटेरेसआ दावहानि गेजेरजों माखासे गिदिर बाथ्राफोरखौ दाबि देखंदोंदि, बिथाड सुबुंधियायि दावहा दोन्थ 'नो, हारिमायायि सुबुंधियायि आइनखौ मान होनो, जोबथेना दोनजानायफोरखौ जेबो सथं गैया जासे हगार्लो, नोगोरारिफेर, देहा फाहामसालिफोर, इउएननि सुबिधाफोर, आश्रय आरो स्कुलफोरखौ रैखाथि होनो आरो गाजायाव बांसिन सुबुंधियायि हेफजब होनो दाबि देखंदों। एन्टिनिय गुटेरेसआ बे गासैबोजों लोगोसे हमासखौ नोगोखेडै सोखारिदों।

फरायसालिफोराव फ्रि सेनेटारि नेपकिन रान्ना होनायनि माहारियारि खान्थिया थियारि जाबाय

गोदान दिल्ली, 7 नभेम्बर : सरकार फरायसालिफोराव सेनेटारि नेपकिन रान्ना होनाय आरो बेनि डिस्पजेलनि बागै माहारियारि खान्थिनि कन्ट्रक्टआ थियारि खालामजाखौबाय। बे खौरंखौ समबाराव मिरु सरकारनिफ्राय सुप्रिम कर्टआव मिबथिहोदों। सरकार कर्टनिफ्राय 4 सप्ताहनि सम बिनानै बुंदोंदि, थियारि खालामजानाय कन्ट्रक्टआव गासैबो हिट हल्डारफोर आरो सरासन्हा सुबुंधोरनि राय सफेनांगो देबावो। कर्टआ मिरु सरकारनो सप्तासे सम होनायै बिथोन होदोंदि, बे गासैबो सरकारि आरो हेफाजाब मोन्याय फरायसालिफोराव हिन्जावसाफोरनि थाखाय बिसेरनि अन्जिमा बायदियै खिखरसालिनि माहारियारि मडेल मोन्यायखौ रोखा खालामना होनागोन। कर्टआ सेनेटारि नेपकिन रान्नाय यजनानि सायाव मिरु सरकारखौ बुंवावदोंदि, बियो नेम-खान्थिखौ जोबथा महर होनायनि सिगां गुबुन-गुबुन राइज्यो सरकारिफोरजों बेनि बागै सोलिगामिनो थानाय यजनफोरखौबो नोजोर होनो आरो बेनि उनाव मोनसे आबु खान्थि बानायनंगोन। बे बिथोनखौ गाहाइ बिजिरगिरि डि वाइ चन्द्रचुरनि दैदननाय सा 3 सोद्रोमानि बेन्वआ कंग्रेसनि दैदेनगिरि जया ठाकुरनि गथाइनाय आर'जलाइखौ हियारि होनाय समाव समबाराव



होयो। जया ठाकुरआ सुप्रिम कर्टआव आर'जलाइ गथाइनाय मेन्स्ट्रुएल हाइजनिन आयदा देखंनानै फरायसालियाय 6-12 थाखोफोराव फरायनय फरायसाफोरनो सेनेटारि नेपकिन रान्ना होनो आरो हिन्जावसाफोरनि थाखाय आलादा खिखरसालि बानायनो दाबि देखंदों। आर'जलाइ गथाइग्रायि बुंनाय बायदिब्ला मेन्स्ट्रुएल हाइजनिन बेब'स्था गैयैआव हिन्जावसाफोरनि सोलौंथाइयाय गिदिर हॅंथा सोमजियो। गोबां हिन्जावसाफोर बे अबस्थानि थाखाय सेनेटारि नेपकिन आरो आलादा खिखरसालि गैयैनि जाहोनाव फरायसालि नागारो।

(1 बिलाइनिफ्राय)

सोलिफु बोसोरावनो फिन गं 5 दावबायथाय थै दान होनाय गारि बायनाय जागोन: गिबि मन्थि

फाहामसालि, दरं जिल्लानि मंगलदै देहा फाहामसालि आरो शिबसागर जिल्लानि शिबसागर देहा फाहामसालियाव दोन्याय जागोन। बे गारिफोरनि गुबै थांखियानो जादों राइज्योनि गोथै ओन्सोलिसिम थानानै गोसो बादियै थै दान होनाय बाद खुना जाहाथे गोथै ओन्सोलिन राइजो-रजाफोर थै दान होनो हायो आरो राइज्योया 100 जौखोन्दो गोसो बादियै थै दान होनायनि थांखियाय जाफुंसावो हायो। बेनि लोब्बायै होनायनि बिबुंधियाव गिबि मन्थिआ बुडेदि, राइज्यो सरकार 2019 आरो 2020 बोसोराव गं 11 दावबायथाय थै दान होनाय गारि बायदोंमोन। बे गारिफोरा गोसो बादियै थै दान होनायखौ थुलुंगाखां होदों। दिनै गोदानै थै दान होनाय गारिखौ बायबावदों। बे गारिफोरा गोसो बादियै थै दान होनायखौ थुलुंगाखां होगोन होनायै मिजिथिनाय फोरमायनानै बिथाड बुडेदि बेनि जाउनाव देहा फाहामसालियाव फैन्या निखावरि बेयामिफोरनो गोनांथि जानाय थै होनायाव मदत होगोन। राइज्योनि ब्लाड बैंकफोरा बे गारिफोरनि गेजेरजों कथिड महामारि गोसारनाय समाव 10, 886 इउनिट थै बुधुमनो हादोंमोन होना मख 'नानै गिबि मन्थिआ सोलिफु बोसोरावनो फिन बे रोखेमनि गं 5 दावबायथाय थै दान होग्रा गारि बायगोन होनायै फोसावो। बेनि अनगायैबो राइज्योनि गासैबो जिल्ला देहा फाहामसालि आरो फाहामथाय फरायसालिमानो बे बायदि गारिफोर होनायनि थांखि लादों होनायै बिथाड बुंवावो। दिनेनि बे हाबाफारियाव देहा मन्थि केशव महन्त, दावबायथाय बायदि बिफाननि मन्थि जयन्त मल्ल बरुवा, देहा बिफाननि उफ्रा प्रिन्सिपाल सेक्रेटारि अबिनाश जशि, देहा बिफाननि सेक्रेटारि बर्नालि शर्मा, आयुधनि बिथोनगिरि इन्द्रानुसि दासजों लोगोसे माखासे गोजौ थाखोनि बिबानगिरिफोरबो बाहागो लायो।

दिवालीआव हानि बाटिजों आसाम आरो सा-सान्जानि हाथायखौ दखल खालामनो

मख 'नो गोनादि, धुबुरि जिल्लायावल' नड राइज्योनि गुबुन गुबुन ओन्सोलिजों लोगोसे सा-सान्जा आरो गुबुन राइज्योआवबो आसारिकान्दि हानि बाटिआ जर'खायै गोनांथि होजायै। राइज्योनि गुबुन गुबुन जायगानि अनगायैबो गुवाहाटी, डिब्रुगड, शिबसागर, जरहात, तेजपुरजों लोगोसेनो दिवालीनि समाव साखाथि उरुणाचल प्रदेश, मेघालय राइज्योआवबो हानि बाटिजों लोब्बा थानाय फालांगिरिफोरा आसारिकान्दिनिफ्राय हानि बाटि बायना लाना थाडे। बेबायदिनो आसारिकान्दिनि हानि बाटिनि दाबि खालामजानाय आयदायखौ जायगानि सासे हाजों मुसुखा बानामग्रा आरिमुगिरि देबुपालआ फोरमायथिदों। मख 'नो गोनादि, आसारिकान्दि पेरकाता गामिनि नख 'रिफोरा बे खेबआव दिवालीआव गासै 15 कौटि बाटि सोरजिनानि थांखि लादों। आथिखालाव थानाय गासै दानसेनाडै माखासे कौटि बाटिखौ गुबुन गुबुन जायगासिम दैथायहरनाय जाबाय। गुबुनफारसै थानाय माखासे बोसोरनाडे करना महामारिनि समाव सोमजिन्याय थासारिजों लोगोसे गात्रि बोथोरनि थाखाय जिउ खानायखौ लानानैबो गोख्रोडै जेनानिफ्राय आसारिकान्दिनि हाजों मुसुखा सोरजिग्रा आरिमुगिरिफोरा बे खेबआव सरासन्हा रेहाय मोनगोन होना मिजिथिदों। जेरव अखा हायैनि थाखाय आथिखालाव जेबो जेनाजों मोगा-मोगि जानाय जायाखै। बेबायदियाव सोलिफु बोसोराव आसारिकान्दिनि थागिरिफोरनि गोसोआव गोबाव साननि उनाव मिनिस्लुयै थानायखौ नुनो मोन्याय जादों। फारसैथि दिवालीनि समाव चीना मुवा-बेसादिनि बांसिने बाहायजानो लानायनि उनाव हानि बाटिनि बाहायनाया रुजुनाय महराव बाडइ जादों होनायैबो आरिमुगिरिफोरा दुखु फोरमायथिदों। बेबायदियावनो मख 'जाथावदि, गोबाव बोसोरनिफ्रायनो आसारिकान्दिनि थागिरिफोर गुबुन गुबुन नोजोरनि बाटिजों राइजो-रजाफोरनि गोसोखौ गोजेनहोनायजों लोगोसेनो चीना मुवा-बेसादिनि सोलायै जायगानि मुवा-बेसादिजों दिवाली खुंनयाखौ मोगथाडारि खालामनो जर'खा बिहोमा होबोदों।

आसाम सरकारनि मावसुमा आरो पेन्सनारफोरा दिवालीनि अन्थोब महरै दान बान्था मोनगोन

गनायथिनाय बायदियै बै समाव डारनेस भाट्टाआ बांनानै 38 जौखोन्दोनिफ्राय 42 जौखोन्दो जादोंमोन। दिने राइज्यो सरकारनि केबिनेटआव लानाय थांखिफोरखौ आसाम सरकारनि मन्थि जयन्त मल्ल बरुवाआ खौरं मेल खुंनानै फोरमायथिदों। मन्थि जयन्त मल्ल बरुवाआ राइज्यो सरकारनि मावसुमाफोरनि डारनेस भाट्टा बांनोनायनि केबिनेटआव लानाय थांखिनि मोजां खौरंखौबो फोरमायदों। बिथाड बुंदोंदि, केबिनेट जथुमाव सरकारि मावसुमाफोरनि डारनेस भाट्टाखौ मिरु सरकारनि गेजेराव 4 जौखोन्दो बांनोनायनि थांखि लादों आरो बेजों लोगोसेनो बेनि हारआ 42 जौखोन्दोनिफ्राय बांनानै 46 जौखोन्दोसिम जाहैंदों। मन्थि बरुवाआ लोगोसे बुंदोंदि, डिसेम्बरनि 1 अक्टनिफ्राय बे बांनया हाबाफारि बायदियै मावफुं जागोन। 2024 नि जानुवारि आरो एप्रिलआव मोननै किस्टीआव बे धोनखौ गथायनाय जागोन। मख 'नो गोनादि, आसाम सरकारनि मावसुमा आरो पेन्सनारफोरा थाखाय बे डारनेस भाट्टानि बांनोनाया बाहायजागोन। मावसुमाफोरा डि एबा डारनेस एलाउन्स आरो पेन्सनारफोरनो डारनेस रिफिफ महरै दान बान्थायाव 4 जौखोन्दो बांनोनाय धोनखौ मोनगोन। दिवालीनि सिगां डारनेस भाट्टाखौ बांनोनायनि बे मोजां खौरंखौ लानानै सरासन्हायै रंजाखोंदों राइज्यो सरकारनि मावसुमाफोर आरो पेन्सनारफोरा।

(1 बिलाइनिफ्राय)

गुरुफेल्लायाव लामानि जाब्रबथायाव सासे आइजोनि ..

माहारियारि राजा लामायाव टि एन 34 इउ 1497 नम्बरनि गोबारे खारबोनाय गंसे ट्राकआ आइजोखौ सौरंफैयो। आइजोनि आथि साजों ट्राकखौ सालायलानायनि जाउनाव गोब्राबै जोखोम जानाय आइजोखौ कु सगाव देहा फाहामसालियाव थिसनहैयोब्लाबो जौगा फाहामथायनि थाखाय कक्राझार फाहामथाय फरायसालिमा देहा फाहामसालिसिम दैथायहरो। उनाव फाहामथाय होबाय थानाय समावनो आइजोया जिउ गोमायो होनानै सुलुडा मिथिहोदों।

बड लेण्ड मुलुग सोलौंसालि बर' फरायसं मिरुआ दिने दि...

लिरनायखौ नुनो मोन्दों 'दि बुर्का' बे दान्थामारि लायसिखौ दिने बड लेण्ड मुलुग सोलौंसालिनि बर' बिफाननि थाखो खथायाव बेखेवनाय जायो आरो बेखौ बेखेवनानै होयो कक्राझार सरकारि फरायसालिमानि बारग' गोरायु आथिखालनि बर' थुनलाइ आफादिनि आफादगिरि ३ सुरथ नाज्जिरिआ।

टेट फोरोंगिरि थिसन्नो दाबिनानै प्रमद बर'नो गोसोखां लाइ ...

सुरलानायजों लोगोसे बिटिआरनि टेट उथिसरानाय बिजाथिफोरा थिसन्थायनिफ्राय जानगाराव थाबोनादों। बेनिखायनो फैगौ समाव बिटिआरनि सोलौंथाइ बिफानखौ फोजौखानायजों लोगोसे टेट उथिसरानाय बिजाथिफोरनो थिसन्थाय होनायनि राहा लानो दिने गोसोखां लाइनि गेजेरजों दाबि देख्वाडे। थिसन्थाय होनायनि बिथिडव गून गोनां आरो गेबेडै टेट उथिसरानाय बिजाथिफोरखौसो फोरोंगिरि महरै थिसन्नो आफादया दाबि देख्वाडे। दिनेनि बे गोसोखां लाइ गथायनाय हाबाफारियाव बिटिआर गुदि टेट क्वालिफाइड आफादिनि माखासे सोद्रोमाफोरा बाहागो लायो।

बिकेडब्लिउएसि आ कामरुप जिल्लानि गंथाम बर' बिजोंनि..

आरो फरायसालि सामलाइ आफादनो थामजि रोजा राडै रंखान्थियायि अन्सुथायनि चैक गथायनाय जायो। सुलुडा फोरमायनाय बादिब्ला, गासै बाजि रोजा रानि अन्सुथाय होनाय जागोन। दिने 79 नं भातकुसि गुदि फरायसालियाव चैक रानाय हाबाफारियाव बिकेडब्लिउएसिनि मावफुं सोद्रोमा प्रनब बर', कामरुप जिल्ला इउबिपिअनि गाहाइ नेहाथारि मनज बर', लोगो नेहाथारि नितु बर', रडिया बियाव इउबिपिअनि गाहाइ नेहाथारि निलकान्त बर', थुलुगानि राफोदाइ हरिचन्द्र बर' आ नुजाथिदोंमोन। चैक रानाय हाबाफारिखौ फरायसालि सामलाइ आफादिनि आफादगिरि रिलिखा बर'आ आफादगिरिनि मासि लानानै सामलायलादोंमोन।

जतिन इस्तलारी गोसोखां फुटबल ट्रफि

फाइल मेचखौ फैगौ 10 नभेम्बरखालि खुंनयाय जागोन। बेनि सानसे सिगां साइ 9 नभेम्बरखालि पाटगाव एभालेन्व स्पर्टस क्लाब आरो एब एसटिएस खान्थालगु रि आइजो हान्थानि गेजेराव लोगोयारि फुटबल मेच दिन्थिफुनाय खुंनयाय जागोन होनानै बान्जाय आफादया मिथिहोदों।

बोथोरनि सिगां बरफ गोवलैनाया सिक्किमआव दावबायनायखौ बांन्होदों

गैठक, 7 नभेम्बर: बोथोरनि सिगांनो सिक्किमआव बरफनि अखा गोवलैनाया दै बानानि जाउनाव दावबायनाय बिथिडव खहा जादोंब्लाबो फिन बे सेक्टरआव मुलाम्फाया बांसिन्दों। थानाय अक्टबर दाननि जोबनायाव बोथोरनि सिगांनो बरफनि अखा गोवलैनाया सा आरो सान्जा सिक्किमनि ओन्सोलाव दावबायारिफोरखौ गोसो बोहरदों। जाउनाव सिक्किमनि सान्जा ओन्सोलाव थानाय गुरुदमार आरो सान्जायाव थानाय समग'आव बरफनि दामोल थानया दावबायारिफोरखौ गोसो दुंहोदों। गोबां दावबायारिफोरनो सा सिक्किमनि ओन्सोलजों लोगोसे लासेन आरो लासुसिम दावबायनानै गोजेन्याय लादों। जायनि गेजेराव दावबायारिफोर बांसिने 17,100 फुट जौथायाव थानाय गुरु दमार लेकसिम दावबायदों। ट्रेभेल एजेन्स एस'सिएसन अफ सिक्किम (तास) नि सुबुनगिरि चतिस बारदेवाआ बरफ गोवलैनायनि जाउनाव दावबायारिफोरनि हरखाबे बांनयाखौ मिथिहोदों। बिथाड फोरमायनाय बादिब्ला, दैबानानि जाउनावबो राइज्योआव दावबायनाय सेक्टरआव थानाय बोसोरनिफ्राय सुबुंफोरनि दावबायफैनाया बांसिन्दों आरो दावबायारिफोरा राइज्योआव



बरफ गोवलैनायनि रंजानाय लाफेदों। मख 'नो गोनादि, बेबादि थासारिनि गेजेरावनो आइएमडिनिफ्राय सिक्किमआव फैगौ 3-4 साननि गेजेराव लान्थियै रोजा बरफ गोवलैगोननि सांग्राथि होदों। जायनि जाउनाव बिफाननिफ्राय सुबुंफोरखौ रैखाथियै थानो सुबुन होदों। बिफाननि बादिब्ला, बोथोरनि सिगां अखा हानया अक्टबर दानआव गाहायै सोनाबयारि नारिस्थायनि जाउनाव सोमजिदों। जायनि जाउनाव बिर्दुनि दुंथाया ओन्सोलाव 2 डिग्री सेल्सियससिम फैनयाव दावबायारिफोरा रंजानाय लाफेदों।

नेपालआव सानथामाव खेबथाम बांग्रि मावदों



काठमान्डु, 7 नभेम्बर : नेपालआव आरोबाव खेबसे बांग्रि मावयो। रिक्टर स्केलआव बे बांग्रिनि गोखैथिखौ 5.6 यै सुनो मोन्याय जादों। बांग्रिनि मिरुआ नेपालनि हा बाहगोनिक्राय 10 किल 'मिटर गाहायावमोन। बेनि सिगांनो नेपालाव थानाय शुक्रबारखालि गोबां गोखौ गोखैथिनि बांग्रि फेदोंमोन। बेनि उनाव रबिबार फुंनि 4.38 रिंगायाव बांग्रि मावबावदोंमोन। माहारियारि बांग्रि बिगियानगिरि मिरुनि बायदिब्ला, बे बांग्रिया नेपालनि काठमान्डुनि 169 किल 'मिटर सा-सोनाबआव फेदोंमोन। फुडव फैन्याय बे बांग्रिनि गोखैथिखौ रिक्टर स्केलआव 3.6 यै सुनो मोन्याय जादों। थानाय

जायो आरो गोबां न'फोर सिंलिंखार जायो। बेयाव सोनाब नेपालाव 2015 नि उनाव फैन्या बयनिखुइ गिखंथायसिम बांग्रिमोन। बेनि गेजेरजों समबाराखलि सान्जौफुआव फैन्याय बे बांग्रिजों लोगोसे नेपालजों नांजाबनाय भारतयारि ओन्सोलफोरवबो सुबुंफोरनि गेजेराव निनाय सोमजियो। इउपिनि माखासे जिल्लाफोरजों लोगोसे दिल्ली-एनसिआरआवबो समबाराखलि बेलासिनि 4:16 रिगायाव हरखाबै बांग्रि मावयो। खौरंनि बायदिब्ला 30 सेकेन्डआव दिल्ली-एनसिआरआव खेबनै बांग्रि मावदों। इउपिनि नएड, लक्ष्मैजों लोगोसे माखासे जिल्लाफोराव बांग्रिनि गोखैयै मावनायखौ मोन्दोंदों।

(1 बिलाइनिफ्राय)

तामुलपुरआव इउ पि पि एलनि गिदिर मावफारिया मेल

बिटिआरआव बिपिएफ खौ राइजो-रजाफोरा आथिखालाव नागरबाय। फैगौ लकसभा बिसायख 'थियाव साफ्रोमबो मावफारियाफोरा बिटिआरआव गोजेन सोरजिनाय आरो राइजो-रजाफोरखौ जौगाखांहोनी थाखाय खामानि मावनो बिथाड खवलायो। मख 'नो गोनादि, इउपिपिएल दोलोन लेडइ आफादगिरि रोनागोरा नाज्जिरिनि आफादगिरि मासि सामलायनाय खुंनयाय मावफारिया मेलआव बराय बिबुंधि होयो बिटिआरनि लेडइ गाहाइ मावफुं सोद्रोमा गबिन्ड बसुमतारिआ। बिथाड बुंदोंदि, जौ राइजो-रजाफोरनि थाखाय जौगाखानाय खामानिफोरखौ फोसावनायनि गेजेरजों सरसन्हा सुबुंफोरनि खाथिसिम लानानै थानांगोन। जौ जेसेबां राइजो-रजानि मोजां खामानि मावफुंनो हायो एसेबानो राइजो-रजाफोरा जीनि दोलोन फारसै मोजां मोनगोन। बिबुंधि होनाय समाव मावफारियाफोरखौ इउपिपिएल दोलोखौ गावनि दोलो होना सान्ना दुखु-जेनानि गेजेरजोंब्लाबो खामानि मावलांनो बिथाड खवलायदों। इउपिपिएल दोलोन गाहाइ नेहाथारि माधब चन्द्र चेत्रिआ सामलायनाय मेलआव आसाम सरकारनि मन्थि उर्खाव गोरा ब्रह्म बाहागो लाफेनानै बुंदोंदि, आंहा गावआरि सान्नायनि बाथ्रा गैया। नाथाय माबायदि दोलोआ इयुनआव थाना थागोन बेनि थाखाय जोडे साफ्रोमबो जुथायै थांखि लानायजों सानखानांगोनि गोनांथि दड। जौ दोलोनि सार्थआव इउपिपिएल दोलोनि जेनोनम जानायनिफ्रायनो जोबोद खस्थ खालामबोदों। मेलआव बिटिआरनि बुंथिगिरि खातिराम बर' गाहाइ नेहाथारि राजु नाज्जिरि, तामुलपुरनि एमएलए जलेन दैमारि, एमएलए लेरन्स इस्लारि, जिरन बसुमतारि, जयन्त बसुमतारि, बिटिआरनि मावफुं सोद्रोमा रनजित बसुमतारि, उडलियाम हासदा, ३ निलतु स्वर्गियारि, राकेश ब्रह्म, दावबायसा बर', धनन्जय बसुमतारिमोनजों लोगोसे इउपिपिएल दोलोनि रोजा-रोजा मावफारियाफोरा बाहागो लादों।

भबानिपुर आन्सलिक फरायसालिमाखौ नाकनि हान्जाया नायसंफेदों

लिंथुमगिरि महरै कर्नाटकनि तुमकुर मुलुग सोलौंसालिनि बिबुंगिरि ३ रबिन्ड कुमार बिमोनहा मुलुग सोलौंसालिनि गुबुन गुबुन बिथिफोरखौ नायसंदों। दिने नायसंफेनायनि जोबथा सानआव थुंगोनय मेल खुंनया जादों। मेलआव नाक हान्जानि आफादगिरि ३ केआ बिबुंधि होनानै भबानिपुर आन्सलिक फरायसालिमाखौ बाख्नायदों। भबानिपुर आन्सलिक फरायसालिमानि गोरयुं ३ मुकुन्द शर्माआ सामलायनाय आरो बराय बिबुंधि होनाय मेलआव फरायसालिमानि फोरोंगिरि-मावफारियाफोर, बारग' फरायसुला-फरायसुलि जुथाय आफाद, बिमा-बिफा जुथाय आफाद, गुबुन गुबुन दालाइनि बिबानगिरिफोर, जायगानि जर'खा नोगोरारिफोरा बाहागो लाफेदों। भबानिपुर आन्सलिक फरायसालिमानिफ्राय गर्भनि बडिनि आफादगिरि धनिराम तालुकदार, गोरयुं ३ मुकुन्द शर्मा, बारग' फरायसा सनमिलनी आफादिनि आफादगिरि चम्पक बायन, बिमा-बिफा सनमिलनी आफादिनि आफादगिरि रंहित दास, सोद्रोमा तुतुन चन्द्र दास, आइकिउएसिनि लिंथुमगिरि ३ समिरन शर्मा, असमीया बिफाननि गाहाइ बिबुंगिरि दिलीप कुमार डेका मोनहा नाकनि नायसंफेग्रा हान्जाखौ गाम्सा, पाठनि सेलेंजों गोसो गोबोंजों बरायमान बाउयो। मेलआव नाथनि नायसंगिरि हान्जाया बुधुनाय रिपटंखौ हाबाफारि बायदियै फरायसालिमानि गर्भनि बडिनि आफादगिरि, गोरयुं आरो आइकिउएसिनि लिंथुमगिरिनो गथायना होयो। मख 'नो गोनादि, भबानिपुर आन्सलिक फरायसालिमायाव नाकनि साननैनाडै नायसंफेनाय समाव सा 3 सोद्रोमानि हान्जाया फरायसालिमानि मोनफ्रोमबो बिफान, आइकिउएसिसिजों लोगोसे गुबुन गुबुन दालाइ, डिजिटल मेल जथुमसालि, इन्डर स्टैडियम, गलेमु फोथार, बिजाब बाखि, केन्टि बायदिजों लोगोसे गुबुन गुबुन आयदाफोरखौ नायसडे। बेनि अनगायैबो नाकनि नायसंगिरि हान्जाया फरायसालिमानि गर्भनि बडि, बारग' फरायसा खौसेथि आफाद, बिमा-बिफा सनमिलनी आफाद, फोरोंगिरि-मावसुमाफोरजों हाबाफारि बायदियै जथुम खुंनानै बाथ्रा सावरयज्जलायो। मख 'नो गोनादि, मैया मोनाबिलि समाव फरायसा-फरायसुलिफोरनि बान्जायनायाव खुंनया हारिमुवारि हाबाफारिखौ नाकनि नायसंगिरि हान्जाफोरा नायसंदों। भबानिपुर आन्सलिक फरायसालिमानि गर्भनि बडिनि आफादगिरि धनिराम तालुकदार, गोरयुं ३ मुकुन्द शर्मा, आइकिउएसिसिनि लिंथुमगिरि ३ समिरन शर्मा मोनहा नाकनि नायसंफेनाय समाव हेफाजाब होनाय गासैबो हान्जाखौनो साबायख र' बाउदों खौरं बिजोंनि सिगाडव।

बजाली जिल्ला खुंथाइनि साखोन-सिखोन आरो गोथां सोमखोर फुजानि बान्था गथायदों

गौतम दास, गाहाइ नेहाथारि काश्यप चौधुरि, बान्जाय आफादिनि आफादगिरि सन्जिव तालुकदार, गाहाइ नेहाथारि अशिनी बायन मोनजों लोगोसे बान्जाय आफादिनि बिबानगिरिफोरा बे बाथ्राखौ आजवानानै जिल्ला खुंथाइनि बेबायदि थांखि लानायखौ साबायख र' बाउयो। हाबाफारियाव बजालीनि पुलिस बिबानगिरि (एसपि) अजागोरान बसुमतारिजों लोगोसेनो जिल्ला खुंथाइनि बिबानगिरि-मावसुमाफोरा बाहागो लायो। मख 'नो गोनादि, बजाली जिल्ला खुंथाइनि सिडाव गासै गं 24 फुजानि गेजेराव दुबि परिहरेस्वर मन्दिआ नैथि आरो श्री श्री बिमा दुर्गा फुजा, माधवपुरआ उथि बान्था मोन्नो हायो।

7 बोसोर बैसोआवनो बे फावखुंग्रिआ पर्दायाव दोहौ सोमजि होदौ

सावथुन इन्डस्ट्रीआव औरैब्यदि माखासे स्टार किड दड, जायनि सायाव उन्दै समनिक्रायनो फाव खालामनो रौनायनि गुणफोरखौ रोखा नुनो मोनो। जैरे बजरंगि भाइजाननि मुनि एबा मल्लहारा आरो सामथानि सावथुन शाकुन्तलमआव अल्लु अर्जुननि फिसाजो अल्लु आरहाखौ नुनो मोन्दौ। बेनि अनगायैबो गोबां उन्दै स्टारफोर दड, जायफोरा पर्दायाव फाव खालामनायनयनि गेजेरजौ लाख लाख सुबुंफोरा गोसो देरहायो। बे आर्टिकलआव सासे उन्दै स्टारनि माखासे बाभ्राया सोराडव फैदौ। मख'नो गोनांदि, बेवहाय



थलापति भिजय आरो तृषा कृष्णनि बावैसो समाव रिलिज जानाय सावथुन लिय'नि उन्दै फावगिरिनि सोमोन्दै बाभ्रा सावरायनाय जादौ, जाय गाहाय स्टारनि फिसाजोनि फाव खालामदौ। बिनि मुड इयाल आरो बियो 7 बोसोरनि। सावथुनआव गाहाय स्टारनि

फावखुंगुर बबी देअलनि माखासे बाभ्राफोरा सोराडव फैदौ



मुंदांखा फावखुंगुर बबी देअलआ 1995 आव रिलीज जानाय सावथुन बरसातजौ बलिउडआव आगान होजेन्दौमोन। बबीनि केरियारआ जागायजेन्नाय समाव जोबोद मोजाडै सोलिदौमोन, नाथाय समजौ लोगोसे बिनि सावथुनफोरनि जादुआबो बक्स अफिसनिफ्राय गोमोरलादौ। गेजेराव बियो पर्दानिक्राय जानगाराव थानादौमोन, नाथाय उनाव बियो सावथुन रेस-3 जौ गावनि केरियारखौ नैथि खेब जागायफिनो आरो बै समनिक्राय लानानै दासिमाव बियो नाजागासिनो दड। आधिखालाव बिनि वेब सिरिज आश्रमखौ गोबां मोजां मोन्दौ आरो बे सिरिजआ बिनो मोनसे गोदान सिनायथि होदौ। दिनै जौ बबीनि बै मोननै सावथुनफोरनि सोमोन्दै सावरायगोन, जाय बक्स अफिसआव जाफुंसारदौमोन। नाथाय बे मोननै सावथुननि उनाव बिनि केरियारआ दावखलायलादौमोन। मख'नो गोनांदि, 2001 आव बबीखौ सावथुन आजनाबिआव अक्षय कुमारजौ गिदर पर्दायाव नुनो मोन्दौमोन। बे सावथुनआव बबीखौ गाहाइ फावखुंगुरआव नुनो मोन्दौमोन आरो अक्षयआ बे सावथुनआव नेगेटिव फाव खालामदौमोन। नाथाय सावथुनआव भिलेन जानानैबो अक्षयआ सावथुननि 'हिर' बबीनि सायाव गोहोम 'खोखलौनो हारदौमोन। बे सावथुननि उनाव बबीनि आखाइयाव क्रान्ति बायदि फलप सावथुन आरो शाहिद बायदि डिजास्टर सावथुनआसो गोगलैदौमोन। बेनि उनाव 2002 आव बबीखौ सावथुन हमराजआव अक्षय खान्नाजौ गिदरि पर्दायाव नुनो मोन्दौमोन। बे सावथुननि 'हिर'आ बबीमोनब्लाबो भिलेननि महराव अक्षय खान्नाखौ नुनो मोन्दौमोन आरो रिलीजजौ लोगोसे बे सावथुनआ बक्स अफिसआव साग्लोबसारनानै थारदौमोन। नाथाय बे खेबआवबो बबीनि सायाव अक्षय खान्नाया गोहोम खोखलौदौमोन। बे सावथुननि उनाव बबीनि केरियारआ आबुडै सिलिखार जादौमोन।

अटिटिआव बे सप्ताहआव माखासे सावथुनफोर नुजानो हासिगौ

अटिटिआव सावथुन मुलुगखौ बांसिनै गाब गोनां खालामदौ। सानफ्रोमबो आलादा आलादा सल'आ अटिटिआव बुंफुबना थायो। सप्ताहफ्रोमबो गोदान कन्टेन्टखौ नुनो मोनो। बेबायदियाव नायगिरिफोरखौबो अटिटिआ गोबां बुथुमनो हारदौ। आधिखालाव अटिटिआव साबसिनिक्राय हामसिन सावथुनफोर आरो सिरिजआव गोदान सल'फोरा सुबुंफोरनि गोसोआव जर'खा जायगा



नभेम्बरसिमाव रिलिज जानो गोनांमोन 3 सावथुनफोरखौ नायनो हागोन।



आवग्रियो। आधिखालाव बे सप्ताहयाव दिवालीनि सुथिया जागायबाय। जुदि नौथाडबो दिवालीनि बे सुथिफोरखौ जर'खा बानायनो हास्थायोब्ला 6 नभेम्बरनिक्राय लानानै 10

1. रेनब'रिस्ता: 7 नभेम्बरखालि रिलिज जानो मोगां'रेनब' रिस्ताया एमाजन प्राइमनि मोनसे साबसिन सल'। एलजिबिटिकिडनि मुंखौ नौथाडबो खोनाबय जानांगौ। बे सल'आ बे मुंजौनो सरजाबनाय।

बाख्नायथाव जादौ। मख'नो गोनादि, इयालआ गावनि गिबि सावथुनजौ सुबुंफोरनि गोसोआव जायगा बानायनायाव जाफुंसारनो हारदौ। 600 कौटि रंखौ आरजिनय लिय'आव बियो गोबां गोलाव रल' मोन्दौ आरो सुबुंफोर बिनि फावखौ नुनानै फैनो गोनां बेस्ट हिर'इन होनना मानिदौ। 'इयाल'निआव फाव खालामनायनि गुनखौ उन्दैनिक्रायनो नुनो मोन्दौ आरो बियो तामिल फावखुंगुर अर्जुननि फिसाजो। इयालनिया सासे जावजा फबाइ दड, जायनि मुड इलान। इयालआ

सावथुन 'अच्चम एनबाथ इल्लाय' आवबो फाव खालामखांवाय, जेराव अरुण भिजयखौ गाहाय फावआव नुनो मोन्दौमोन। इयालआ लकेश कनगराजनि गेजेरजौ बिथोन होनाय लिय' (थलापति 67) सावथुनआव गाहाय फाव खालामनायनि थाखाय खौराडव थानो हारदौ। मख'नो गोनांदि, इयालआ सुराराइ पाटरुजौ एक्ट'आव डेब्यु खालामदौमोन, जेराव सर्थाआ गाहाय फाव खालामो। बे सावथुनआ मोनसेनि अनगायै मोन 5 नेशनेल एवार्ड मोन्दौ।

करण जहरनि सेट स्वआव सारा आली खानआ गोबां बाभ्रा फोरमायदौ

करण जहरनि सेट स्वआव बे खेबआव बलिउडनि सानै स्टार किडसखौ लोगोसेयै नुनो मोनगोन। बिसोर सानैआनो जादौ सारा आली खान आरो आनान्या पान्डे। बिसोर सानै फावगिरिफोरा जोबोद मोजां लोगो। बेबादिआव जेब्ला बिसोर सानैआ लोगोसेयै सेट स्वआव सौहैयो अब्ला बिसोरो गावजौ लोगोसेयै सेट स्वआव सौहैयो अब्ला बिसोरो गावजौ गावनि थाखोमाना थानाय बाभ्राफोरखौ फोरमायलायो। नाथाय बाभ्रा सावरायनायनि गेजेरावनो साराआ सचिन तेन्दुलकारनि फिसाजो सारा तेन्दुलकारनि बयफ्रेन्डनि सोमोन्दैबो गोबां बाभ्राफोरा सोराडव फैदौ। आधिखालाव सारा आरो आनान्यानि बे भिडिअआ ससेल मिडियाआव गोखैयै भाइरेल जादौ। बे प्रम' भिडिअआव नुनाय बादिब्ला, करण जहरआ काउचआव जिरायनाय सानै फावगिरिफोर सार आरो आनान्यानिआव गोबां सौथि सोडो। बेनि उनाव करणआ बुझेदि, सारा आरो शुभमन गिलनि एफे यारनि खौरांफोरा गोसारदौ। बेनि फिन्नायाव साराआ बुझे, गासैबो मुलुगआ गोरोरिन्थि सारा नि उनफासै खारफादौ। बेनि उनाव करण जहरआ बुंवावो, बेबादि



मा बाभ्रा दड, जाय नौथानि याव गैया आरो आनान्यानिआव दड, बेनि उनाव आनान्याआ बुझे, आशिक्कोआ बेबादिनो जायो... बेनि उनाव बियो लाजिनो हमो आरो गावखौ सामलायनानै बुझे-सिरि सिरिये। आनान्या पान्डे आरो आदित्य रय कापुरआ लान्थिये लोगोसेयै स्पट जायो। माल्बा बिसोर सानैआ रेस्टुर्न्टनि बाइजोआव स्पट जायोब्ला माल्बाआ भेकेसनखौ लोगोसेयै मानिनो

फावखुंगुर अल पचिन'नि फिसाज्ला रमनि कास्टाडिखौ गार्लफ्रेन्ड नुरआ मोनो हाबाय



अस्कार देरहासारनाय फावखुंगुर अल पचिन'आ गावनि 4 दाननि फिसाज्ला रमनि थाखाय गावनि गार्लफ्रेन्ड नुर अल्फल्लाहानो दानफ्रोमबो 30 रोजा डलार हरगोन। इडि अनलाइनआ मोन्याय बिजिसालिनि फोरमायनाय बायदिब्ला सेप्टेम्बरआव 29 बोसोरनि अल्फल्लाहया गावनि फिसानि कास्टाडिनि थाखाय कर्टआव एफलाइ खालामदौमोन। बेनि उनाव अल पचिन' आरो अल्फल्लाहया अक्टबर दानआव कास्टडि, लोगो हमनाय आरो गथ'नि खानाय-बानाय, जोथोन लानायनि सायाव रदाय 'खादौमोन। बे फोरमानलाइआव 83 बोसोरनि अल पचिन' आरो अल्फल्लाहनि खानाय-बानाय सिस्टेम आरो बिसोरनि उन्दै फिसाज्लानि रंखान्थि थासारनि सोमोन्दै गुवारे फोरमायनाय जादौ। अल पचिन'आ गावनि गार्लफ्रेन्ड नुर अल्फल्लाहानो 1,10,000 डलारखौ एडभान्स पेमेन्ट खालामखांवाय। बेनि अनगायै बियो दानफ्रोमबो 30 रोजा डलारखौ हरगोन, जायजौ बियो फिसाखौ जोथोन लानो हायो। बियो गावनि रं आरजिनो हानायनि सायाव बिथो खालामनानै बोसोरनि जोबथायाव 90 रोजा डलारखौ हरनोबो हागौ। अल पचिन'आ बे बोसोरनि जागायजेन्नायाव रमनि थाखाय एजुकेशन फान्डआव बोसोरफ्रोमबो 15 रोजा डलारखौबो हरगोन। बियो फिसानि बेराम जानायनि गासै खरसाखौ होगोन। बे खरसाया फिसाज्लानि मेडिकल इन्सुरेन्सनि अनगायै फैनो गोनां खरसायाव थाफादेरो। गासै सरजाबनानै अल पचिन'आ फिसाज्लानि जायखि जाया रोखामनि मेडिकल कन्डिशनआव ट्रिटमेन्टनि थाखाय गासै खरसाखौ होनो बिबान लागोन। जेराव फिसाज्ला रमनि कास्टडिनि बाभ्राखौ बुझेब्ला अल्फल्लाहानो कास्टडिखौ गथायनाय जाबाय आरो अल पचिन'नो फिसाज्लाजौ लोगो हमनायनि मोन्थाइबो होनाय जादौ। मख'नो गोनांदि, अल पचिन' आरो नुर अल्फल्लाहनि रिलेशनसिपनि सायाव सावरायनाया थानाय बोसोरनि एप्रिल दाननिक्राय जागायदौमोन। फारसेथि सोलिफु बोसोरनि जुन दानआव नुरआ फिसाज्ला रमनखौ जोनोम होदौमोन। रमनि जोनोमा लस एन्जिलसनि सिडर्स-सिनाय देहा फाहामसालियाव जादौमोन।

गाहाम देहानि राहा

गुसु बोथोराव दुंबुत दै लौनायजौ देहायाव गोबां मुलाम्फा मोनो हायो

सासे बैसो जानाय होवाफोरनि देहायाव 65 जौखोन्देब्ला गुबुन फारसेथि आइजोनि देहायाव 52 जौखोन्दे बाहागोनि दै थायो। बेबायदियाव जौनि देहायाव अरायसम 35-40 लिटर दै थायो। दैखौ जौनो थानानै थानो थाखायल' गोनांथि जायो। बेखौ देहाखौ गाहामे लाखिनो थाखायबो नांगौ जायो। देहानि सिडाव साखोन-सिखोन खालामनो थाखायबो दैया गोनांथार जायो। लोगोसेनो जौनि हायाव अक्सिजेन मोनहोनानयनि खामानिखौबो दैयानो मावो। मख'नो गोनांदि, आधिखालाव गुसु बोथोरा जागायबाय। बे बोथोराव गगा मोननाय गुजुनायनि जॅनाया गोबां सरनस्त्रा जायो आरो गुबुन फारसेथि दिल्ली-एनसिआरआव थाग्रा सुबुंफोरा पलुशनजौबो भुगिनांदौ। बेबायदियाव गाहामे थानो थाखाय नौथाड गावनो रहा नागिरनांगौ, जेराव दै गुदु लौनाया गोबां मदत गोनां फोरमान जायो। सानसे समखौ



गिलाससे गिलासनै दै दुंबुतखौ लौनाय जागायनांगौ। बेजौ उदैया मोजां रोखोमे साखोन-सिखोन जायो। लोगोसेनो देहानि लिस्थायखौबो कन्ट्रल खालामनायाव मुलाम्फा मोनो। बोथोर सोलायनाय लोगो लोगोने गगा मोननाय गुजुनाय, गोदोना मानलुनाय बायदि जॅनाफोरा सरसन्त्रा जायो। बेबायदियाव बे जॅनाखौ जानगर खालामनो दुंबुत दैखौ लौनांगौ। दुंबुत दैयाव लिबु लगायनानै लौनायजौ इमिडिनि सिस्टेमआ गोखौ जायो। 1. सानसे समखौ साहा लौनाय जागायालासे दुंबुत दै लौनायजौ जागायोब्ला गेस, एसिडिफिनि जॅनानिक्राय रेहाय मोनो। दुंबुत दै लौनायजौ देहायाव थानाय

फेटसआ बाडइ जायो, जायजौ देहानि लिस्थायखौ बाडइ खालामनाया गोरलै जायो। 2. दुंबुत दै लौनाजौ ब्लाड सार्कुलेशनआ साबसिन जायो, जाय देहानि माखासे फांक्शनफोरनि थाखाय गोनांथार जायो। 3. दुंबुत दैआ स्किन्नि थाखायबो गोबां मुलाम्फा गोनां जायो। मानोना बेखौ लोडोब्ला उदैया साखोन-सिखोन थायो, जायजौ पिम्पल्स बायदि जॅनाफोराबो जाया। 4. गुसु बोथोराव दुंबुत दै लौनायजौ बिखानि जॅनाया जानगर जायो। 5. पिरियडसनि समाव उदै सानाय एबा एन्टननि फाहामथाइखौबो दै गुदुजौ लानो हायो।

सिद्धार्थ माल्त्रानि सावथुन यद्धानि रिलीज अक्टखौ फावसायबाय

सिद्धार्थ माल्त्रानि सावथुन यद्धानि रिलीज अक्टखौ फावसायनाय जाबाय। बे सावथुनआ गिबियाव 8 डिसेम्बरखालि रिलीज जानो गोनांमोन। नाथाय आधिखालाव सावथुननि गोदान पस्टार आरो फावखुंगुरनि गोदान लुकजौ गोदान रिलीज अक्टखौ फोसावबाय। आधिखालाव बे सावथुनआ फेगौ बोसोरनि मार्च दानआव रिलीज जागोन। सावथुननि रिलीज अक्ट सोलायनायनि खौरंखौ सिद्धार्थ आरो करणआ इनस्टाग्राम पस्टआव होदौ। करण जहरआ पस्टआव लिखौ, जौ साफ्रोमबो सुबुंफोरा जोबोद गोखोडै अखडाव बिनो थियारि जादौ। यद्धाआ सिनेमा हलफोराव 2024 नि 15 मार्चआव रिलीज जागोन। बियो बेखौ फोसावनायजौ लोगोसेनो



सावथुननि मोननै पस्टारखौ शेयार खालामदौ। बे मोननैबो पस्टारआव सिद्धार्थखौ यद्धानि महराव नुनो मोन्दौ। सिद्धार्थ माल्त्रानि यद्धानि अक्टखौ सोलायनायनि उनाव गोबां सन्देह खालामनाय जादौ। गिबियाव बे सावथुनआ 8 डिसेम्बरआव रिलीज जानो गोनांमोन। बे सानखालिनो कट्रिना काइफनि सावथुन मेरि क्रि समासआबो रिलीजनि थाखाय थियारि जादौ।

बेबादिआव सिद्धार्थनि सावथुननि रिलीज अक्टखौ हरखाबै सोलायनाया बक्स फिसआव क्लेसखौ जानगर खालामनो थाखाय बे थांखिखौ लानाय जादौ जानांगौ। थानाय माखासे सान सिगां गादार-2 आरो अएमजि-2 आ क्लेश जादौमोन। बे क्लेशनि उनाव थासारिआ माबादि जादौ बेखौ साफ्रोमबो नुदौमोन। गादार-2 आ गोबां रं आर्जिदोब्ला अएमजि-2 आ एसेबां मोजां फिनजाथाय मोनारखौ।

पप देंखोगिरि उषा उत्थुपआ मोनसे समाव मिडजिक क्लासनिफ्राय जानगाराव थानादौमोन



गावनि सायाव फोथायनाय लाखिग्रा सुबुडा माल्बाबो जाफुंसारै जाया। बिसोरो गोबां जॅना आरो सुबुंफोरजौ सावरायजानायनि उनावबो जाफुंसारनायनि लामाखौ नागिरनानै लायो। बेनिनो बिदिन्थि महरै इषा उत्थुपआ सासे। दिनै बिनि 76 थि जोनोम सान। 1947 माइथायनि 7 नभेम्बरखालि मुम्बाइआव जोनोम मोन्याय उषाआ भारतीय पप, जाज, सावथुननि देंखोफोरखौ गोदान थाखोआव लांदौ। बियो 1960,

मिडजिकआव गोसो थानायनि जाहोनाव मिडजिक क्लासआव जइन्ट जायो। नाथाय गाराख गोत्रा जानायनि जाहोनाव मिडजिक टिसारिआ बिखौ क्लासनिफ्राय बाइजोआव थिनहरदौमोन। गोबाव बोसोरनि उनाव जेब्ला उषाआ गंसे जौसाडव देंखो रोजाबनानै सुबुंफोरजौ बाख्नायजानो हायो अब्ला बेवहाय बाहागो लानाय बै स्कुलआनो बिखौ बाखायो। उषा उत्थुपआ बै समाव मिडजिक टिसारिनि जाहोनावनो गाव बेसिम सौफेदौ होनानै बुजे। बिथाड दौनैसे बर' मेथायबो खन्दौमोन। उषाआ देंखो रोजाबनो जोबोद मोजां मोनोमोन। बियो माल्बाबाबो देंखो रोजाबनानयनिफ्राय जानगाराव थानारखै। बियो सावथुनआव फेनयानि सिगां आरो उनावबो गोबां नाइट क्लाबफोराव देंखो रोजाबदौमोन।

चीना सान्ध्रिनि गेजेराव गेना-खान्धियाबो लानानै गावसालायनाय थासरि नुजाथिदो

हंके, 7 नभेम्बर : बावैसो समनि दानफोराव चीना सान्ध्रि (पिएलए) आव गावसालायनि माखासे जेनाफोरा सोराडव फेदो। बेनि जाहोनाव गेना-खान्धियाबो बिबाननिफ्राय बोख्तायनाय जादो। बेफोर केसनि गेजेराव साबमिरिननि ख'हा जानाय जेनाफोराबो नुजाथियो। बेनि गेजेरावबो खोला-चीन लैथोयाव चीनआ बांसिनै गाग्लोबनाय आखु दिन्धियाव थादो। जर'खायै टववानआव गावनि हिंसायारि आखु दिन्धियावखौ लानानै बियो बांसिनै गोखौ जादो।



पिएलए दै सान्ध्रिनि गुन्नासा थाफानाय साबमिरिनआ लैथोयाव गोदोनायनि नंखाय खौरां गोसारनायनि सायाव वाशिनआव थानाय माहारियारि रैखाथियाव चीननि सान्ध्रियारि केसनि गागि संदानगिरि पेल डू जयेल भुधन'आ बुंदोदि, बे केसआ गोखौ नोजोर होथावमोन। गावनि बायदिब्ला

बेयो मोनसे बिदिन्धिदि, माबेरै सिंनि खौरांफोरा राइज्योआरिफोरनि गेजेराव गोखैयै गोसारो। मोगथांआव बेबायदि जेबो जायाखेमोन होना बिथाड सानो होनाबो फोन्मायदो। मख'जाथावदि, चीनआ गावनि जाफुसारेखौ माब्लाबाबो साना। नाथाय चीन सान्ध्रिनि गेजेराव बे आयदाखौ

लानानै गोजोनाय मोनै सोदोबा रिखादो। चीन सान्ध्रिनि गेजेराव गेना-खान्धियाबो गोजौ थाखोसिम सौहैबाय, जाय बावैसो सिगांनि नायबिजिरनायाव फोरमान जादो। आमेरिकायाव थानाय सेन्टार फर स्ट्रेटिजिक एन्ड इन्टारनेशनल स्टाडिस (सिएसआइएस) आ पिएलएनि बावैसो सिगां जानाय जाथायफोरनि सायाव थांनाय अक्टबर दाननि जेबथायाव मोनसे भेबिनार खुंदो। बेयाव चीन एयारस्पेस स्टाडिस इनस्टिट्यूटआव संदाननाय रडरिक्त लीआ चीना सान्ध्रिनि गेजेराव दावराव जानाय आरो बारग' रैखाथि मन्ध्रि ली सांपुआ गोमाना थानायनि सायाव बुंदोदि, बेफोर जाथायनि बागै गोबां गोसारनाय नंखाय खौरां दड। नाथाय बयनिबो गनायथिनाय बायदिब्ला बे केसआ गेना-खान्धियौ लोब्बा गोनां।

हादतयाव 40 जौखोन्डो थागिरि-फोरनि हां लानायाव अलखद सौफेदो

गोदान दिल्ली, 7 नभेम्बर: बिष गोनां बारनि जाहोनाव थांनाय समबारखालि पान्जाबनिफ्राय लानानै सोनाब बंगसिम हादतनि गासै 40 जौखोन्डो थागिरिफोरनि हां लानायाव अलखद सोमजियो। साहा अमृतसरनिफ्राय लानानै सान्जा-सोनाब बंगनि ओन्सोलसिम बारनि गुणआ जिंगा सिथावना जायो। सेटेलाइटनि सावगारिफोराव गंगांनि गासै हायेन ओन्सोलजो नंजाबनाय सहरफोराव ख'हा गोनां उखुन्दैखौ नुनो मोन्दो। माहारियारि राजथावनि दिल्लीयाव बारनि गुण एबा एफिउआइआ 421 जायो आरो राजस्थानाव बेनि अनजिमाया 433 सिम सौहैयो। गुबुले बारनि बाश्वा बुडोब्ला, अमृतसरआव 312, फरिदाबादआव 412, गाजियाबादआव 391, लक्षनौयाव 251, पाटनायाव



266, आसनसलयाव 215 आरो धनबादयाव 255 एफिउआइखौ दिखांनो मोन्नाय जादो। सुलुनि बायदिब्ला, 50 सिमनि एफिउआइखौ देहानि थाखाय गाहाम महरै गनायना लानाय जियो आरो 151 निफ्राय 200 सिमाव बेयो गेजेर गात्रि थाखोयाव सौहैयो। बेरफारसे 301-400 आ जोबोद गात्रि आरो 401 निखुडू बांसिनखौ गात्रिआर महरै गनायना लानाय जायो। मिरुआरि आबहावा गुबुलेखौ कन्ट्रल खालामग्रा बर्डनि बायदिब्ला, समबार

सरासनस्यैयै गोग्गोयै थाग्रा हाजोयारि ओन्सोलनि बारबो गात्रि जादो। बेनि गेजेरजो उत्तराखान्डनि राजथावनि देहारादुनयाव थांनाय समबारखालि एफिउआइआ 144 याव सौहैयो। बोथोर आरो आबहावाखौ नोजोर लाखिग्रा आफाद एफिउवेदारआ बेनि अन्जिमाखौ सप्ताहसे सिगां 98 यै साननो मोन्दोमोन। फेगौ सानफोराव बेनि अन्जिमाया बांबावो हागौ। बोथोर गुसु जानायजो लोगोसे बांसिनै हायेन ओन्सोलफोराव बारनि गुणआ गोहोम गोनां जानो हम्दो।

केन्या आरो समालियाआव हरखाबै फेनाय दै बानाया गोबां खहा लाबोदो



नायर'बि, 7 नभेम्बर : केन्या आरो समालियाआव गोबां अखा हानाय आरो हरखाबै दै बाना जानायजो दसिमाव गासै सा 40 सुबुंफोरा थैदो आरो रोजा रोजा सुबुंफोरा न' गैजायै जादो। समालियाआव सरकार गिखंथाव बोथोरनि जाहोनाव 25 सुबुंफोरनि थैनाय, न'फोर, लामाफोर आरो दालांफोरा ख'हा जानायनि उनाव इमार्जेन्सि फोसावदो। इमार्जेन्सि आरो रैखाथि मावसुमाफोर खोला समालियानि जुवालेन्ड रइज्योनि लुइक जिल्लयायाव दै बानानि दैयाव थाबथाना थानाय 2,400 नोगोरारिफोरनिसिम सौहैनो नाजादोमोन। सुबुंथिनि केसफोरनि करडिनेशननि थाखाय जुथाइ हादतनि मावख'या जुबा आरो शबेले दैमाफोरनि सेराव सोमजिनाय दै बानानि सायाव गोजौ थाखोनि गिखंथाव सांग्रांथि होदो आरो जुबायाव थाग्रा सुबुंफोरखौ जानगाराव थांनो सुबुन होदो। एजेन्सिनि मेनेजिं डाइरेक्टर हसन इस्सेया खौरां एजेन्सि दा एससि एटैड प्रेसनो फोरमायो, समालिया खैफोद होबथाग्रा एजेन्सिया गोखैयै जेनाफोरनि फिन्नाय होदो, डलनि थाखाय गंसे उरां जाहाज दैथाइ हरनो आरो निकासियाव हेफाजाबनि थाखाय गंनै नावफोरखौ किसमाय'निफ्राय ल्युक आरो गंसेखौ बाईरसिम लानो यजना बानायदो। इस्सेआ बुंबावदो, इथिय'पियानि हाइलेन्डसआव गोजौ फारसेनिफ्राय बांसिन दै फेनायनि जाहोनाव फेगौ माखासे सानफोराव दै बानानि थासारिया आरोबाव गिखंथावसिन जागोननि सन्देह' खालामनाय जादो। लान्ध्रियै 4 बोसोरसिम रानस्राव जानायजो भुगिनांनय समालियाआव गोबां अखा हानया आथिखालाव बांसिन खैफोदखौ लाबोदो। न'सुंसे केन्याआव, केन्या रेड क्रुसआ बुंदोदि, शुक्रबारखालि गोबां अखा हानायनि उननिफ्राय सुबुंफोर थैनायनि अन्जिमाया बांनानै सा 15 जादो।

गाजायाव इजराइलनि गाग्लोबनायखौ फिलिस्ताइनआ सोंखारिदो



बे'खन्दोमोन। इजराइलनि सान्ध्रिफोरा गाजा पट्टिआव थाबोबाय थांनाय नोगोरारिफोरखौ सिगाडवको सा गाजानिफ्राय खोला गाजा फासं थांनो सांग्रांथि होदोमोन। अदेबानि हमासनि कन्ट्रल रुम आरो कामान्दारफोरनि संगालि केम्पफोरा सा गाजायावको दड। इजराइलनि सान्ध्रिफोरा आथिखालाव गाजा सिटिखौ मोननै बाहागोआव बोखावबाय होन्नानै फोसावदो। अदेबानि सान्ध्रिफोर सा गाजानिफ्राय बांसिन सुबुंफोरखौ दिहुन्नानै खोला गाजायाव थांनो थाखाय सुबुंथियारि गेटखौबो खेवनानै होदोमोन। आथिखालाव इजराइलनि सान्ध्रिफोर सा गाजाखौ आबुडे बेंखन्नानै लाबाय। आथिखालाव सान्ध्रि जवानआ जायखि-जाया समावको हमासनि केम्पफोराव गाग्लोबनो हागौ आरो बिसोर दावहारुफोरखौ फोजोबसोनां हागौ।

फ्रान्सनि गंसे उरां गाथोनाव हान्जासे सुबुंफोरा नामाज फरायदो



पेरिस, 7 नभेम्बर : इजराइल आरो हमासनि गेजेराव जानाय दावहाया 1 दान आबुं जाबाय। बे दावहानि जाहोनाव फ्रान्सआवको जेनाया गोबां बांसिन जाबोगासिनो। पेरिसनि चार्स दि गल्ड एयारपट्टिनि हलआव जर्डान उरां जाहाजआ बिरनायनि सिगां गोबां सुबुंफोरा थुवरु जायो आरो बिसोर बयबो जिरायना नामाज फरायको हम्मो। फ्रान्सनि बयनिखुडूबो देरसिन एयारपट्टि टर्मिनेल-2 आव बे नामाजखौ फरायनाय जादो, जेराव सा 30 सुबुंफोरा बाहागो लादो। बेनि सायाव फ्रान्सनि

बारग' मन्ध्रिआ सोंथि खालामदो। बिथाड बुंदोदि, एयारपट्टिआव बेबायदि नामाज फरायनाया जेना गोनां। मानोना आर'ज गाबनाय एबा नामाजनि थाखाय आलादायै सिबिग्रा जायगा दंखायो। सिमा पुलिसनो बेखौ होबथानायनि आरो गावसोरनि डिउटि होनायखौ बांहोनो बिथोन होनाय जादो। एयारपट्टिनि वेदि हलआव नामाज फरायनायनि सायाव अपारेटर एयारपट्टि दि पेरिसनि गाहाइ बिबानगिरि आगस्टिन दि र्मानेनआ बुंदोदि, बेबायदि खालामनाया अजद

गोनां जादो। इसोरखौ गाबजिनायनि थाखाय गोबां थि खालामखानाय एबा जायगा दड। एयारपट्टिआव नामाज फरायनायनि सावगारिखौ फ्रान्सनि बारग' मन्ध्रि नएल लेनयआ सशेल मिडियाआव शेयार खालामनानै अजद होदो। बिथाड केफानआव लिरदोदि, एयारपट्टि दि पेरिसनि सिइअआ मा खालामदो, जेब्ला बिन एयारपट्टिआ मोनसे आर'ज खालामग्रा जायगा खालामजादोमोन? बियो सोलायना फेनाय मावख'नामा? फारसेथिं फ्रान्सनि एमपि एसट्रिट पेनस्यन बभेटआ बुंदोदि, एयारपट्टिआव जर'खा आर'गाबग्रा दंखायो। फ्रान्सनि हान्था-मेला मन्ध्रि क्लेमेन्ट ब्युन'आ एक्सआव एयारपट्टिनि बिबानगिरिफोर नेम-खान्धियावखौ मानिना सोलिहोनायनि थाखाय आबुडे बिबान दडआरो बेखौ मावपुंगो होन्ना बुंदो।

गाजा सिटि, 7 नभेम्बर: इजराइल आरो हमासनि गेजेराव सोलिनया दावहाया मंगलबारखालि दानसे आबुं जाबाय। बे दावहायाव दसिमाव 10 रोजानिबो बांसिन सुबुंफोरनि जिउ गोमाबाय। इजराइलआ थांनाय 7 अक्टबरनि गाग्लोबनायखौ थिखेर महरै लानानै गाजायाव लान्ध्रियै गाग्लोबगासिनो दड। बे दावहानि थाखाय फिलिस्ताइननि गाहाइ मन्ध्रिआ इन्टरनेसनल कर्टेआव गाजायाव जिउ गोमानाय दाय गैयै सुबुंफोरनि दायनिगिरिफोरखौ

एरेस्ट खालामनांगो होन्नानै खावलायदो। बेराफासं इउएनआव थांनाय फिलिस्ताइननि थान्दै रियाद मन्सुरआ इजराइलआ खालामनाय दायफोरनि थाखाय फिन्नाय होनो दाबि दैखाडो आरो इउएन दावहा दोन्ध'नाय रादायखौ होबथानायनि थाखाय आमेरिकाखौ दायनिगिरि खालामो। हमासनि दावहारुफोरखौ फोजोबनो थाखाय इजराइलनि सान्ध्रिफोरा माखासे साननिफ्रायनो ग्राउन्ड अपारेसन थियारि खालामगासिनो दडमोन आरो गाजा पट्टिखौ

उतखारि गाग्लोबगोन। बे बोसोरवको गिदिर रंखाथि जेना नुजाथिगोन, जायनि गोहोमआ मुलुगनां रंखाथि राहायाव गोल्गोन। बबेखानि माखासे सोलायनायखौबो नुनो मोनगोन, जैरिनि-दाहारनि बिबां बांनय, हा सा राजखान्धियारि जेना बांनय आरो सोनाबनिफ्राय सान्जा फासं रंखाथियारि गोहोआ दावखलायबोनाय, साइबगर गाग्लोबनाय बायदिफोरा मख'जाथाव। बाबा बेंगाया

भारतआव इलेक्ट्रिक कार कम्पानी टेस्लाखौ लाबोको थाखाय सरकारा गोखौ थियारि खालामदो

गोदान दिल्ली, 7 नभेम्बर : मुलुगनि मुंदांखा इलेक्ट्रिक कार ब्रान्ड टेस्लाखौ भारतआव एन्ट्रि जाहोनायनि हाबाफारिया गोखौसिन जाबाय। सरकारा गासैबो जेनाफोरा थाबैनो जोबबलांनयखौ हास्थावदो। एलन मास्कनि कम्पानि टेस्लाखौ हादतआव लाबोको थाखाय जैरेबो नाजानाय जादो। इक'नमिक टाइम्सनि खौरां बायदिब्ला गाहाइ मन्ध्रि मावख'आ टेस्लानि इन्भेस्टमेन्ट प्रपोजेल्जो लोगोसे हादतआव इलेक्ट्रिक भिहीकल



मेनुफेक्चरिनि उननि फेजखौ नायसंनो थाखाय थांनाय समबाराव गोजौ थाखोनि बिबानगिरिफोरजो जथुम्मा खालामदोमोन। खौरां मोन्नाय बायदिब्ला जथुमायाव सासे

बिबानगिरिया बुंदोदि, जथुम्मानि एजेन्दाया सरासन्ना नेम-खान्धियारि बिथिनि सायाव नोजोर होनायमोन, नाथाय हादतआव टेस्लानि खालामनो गोनां इन्भेस्टमेन्टखौ 2024 नि

जानुवारीसिमाव गनायथि होनायनि बाश्वा बुंनय जादो। थांनाय जुन दानाव गाहाइ मन्ध्रि मदिआ आमेरिकायाव दावबायहैनाय समाव टेस्लानि गाहाइ एलन मास्क आ बिथांजो लोगो हम्दोमोन। बे लोगो हम्नयनि उनाव फालांगि आरो उद्यग, गिदिर उद्यग, इलेक्ट्रिक्स आरो आइटी मावख'आ इलेक्ट्रिक कार बानायनायनि यजनाफोरनि बागै सावरायनाया बांसिनदो। मख'जाथावदि, भारतआ

रसियानि हादरगिरि पुतिनखौ गावनि हादतनि सुबुंफोरानो बुथारनो नाजागोन: बाबा बेंगा

गोदान दिल्ली, 7 नभेम्बर: बाबा बेंगाआ मुलुगनि गाहाइ जाथायफोरखौ लानानै गोबां इयुन हम्दोनांनै फोरमायलांदोमोन। बेफोरनि बांसिनआबो सैथो फोरमानबो जादो। बाबा बेंगानि इयुन हम्दोनांनै फोरमायलांनयफोरनि गेजेराव मुलुगनि मख'जाथाव गिदिर जाथायफोर जैरे-9/11 उतखारि गाग्लोबनाय, राजकुमारि डायनानि जिउ गोमानाय, चेरन'बिल खैफोद आरो ब्रेक्सिटफोर नंगुबे जादो। बाबा बेंगानि उनसंगिरिफोरनि बादिब्ला, गावनि मेगनजो मुलुगखौ नुनो हायै खाना जानानैबो बाबा बेंगाआ रहस्य गोनां रोखेमै गावनि थैनायनि थि अक्टखौबो इयुन हम्दोनांनै फोरमायथिखादोमोन। बिथांनि गुबै मुड भेन्जेलिया पान्डेआ गुस्ताखामोन। मेगन खाना बाबा बेंगाआ 2024 नि थाखाय माखासे सोमोनांथाव इयुन हम्दोनांनै फोरमायलांदो। बेफोरनि गेजेराव रसियानि हादरगिरि पुतिनखौ बिथांनि लोगो, हादरनि थागिबिफोरानो बुथारनो नाजागोन होन्नानै इयुन हम्दोनांनै बुंनय दड। बाबाआ 2024 आव हादरगिरि ब्लादिमीर पुतिनखौ बुथारनो नाजानो हागौ होन्नानै बुंलादो। बेराफासं उतखारि गाग्लोबनायफोराबो बंगोन आरो 2024 आवनो दर्से गिदिर हादरआ बायलजिकेल हाथियारफोरखौ आन्नाद नायगोन इउरुपआव गिखंथाव



मेडिके लनि बिथिडव मख'जाथाव खौरां होलांदो आरो बुंदोदि, एल्जाइमारजो लोगोसे बेयमिफोरनि गोदान स्टाडि आरो फाहामथाय रहा मोन्नो हागोन, 2024 आव केन्सार बायदि गिखंथाव बेरामनि फाहामथाय राहबो मोन्नो हागौ। बेफोरनि अनगायै बुहुमाव मिथिंगायारि खैफोदफोर आरो बोथोर गात्रिआ सिलिंखार लाबोगोन होन्नानैबो बाबा बेंगाआ इयुन हम्दोनांनै फोरमायनाय दड।

उतखारि गाग्लोबगोन। बे बोसोरवको गिदिर रंखाथि जेना नुजाथिगोन, जायनि गोहोमआ मुलुगनां रंखाथि राहायाव गोल्गोन। बबेखानि माखासे सोलायनायखौबो नुनो मोनगोन, जैरिनि-दाहारनि बिबां बांनय, हा सा राजखान्धियारि जेना बांनय आरो सोनाबनिफ्राय सान्जा फासं रंखाथियारि गोहोआ दावखलायबोनाय, साइबगर गाग्लोबनाय बायदिफोरा मख'जाथाव। बाबा बेंगाया

दावहानि गेजेरावको राफा क्रसिं गेटखौ सुबुंफोरनि थाखाय खेवनानै होबाय

गाजा सिटि, 7 नभेम्बर: इजराइल-हमास दावहानि गेजेरजो सिमना गोनां अनजिमानि सुबुंफोरनो मिस्त्रयाव हाबनो थाखाय राफा क्रसिंखौ खुलिना होफिननाय जायो। खौरां एजेन्सि एएनआइआ सिएनएनि रिप्टेयाव फोरमायोदि, थांनाय समबारखालि राफा मिसनाखौ कुलिना होफिनबाय। बे समाव आगुनि फारिलियाव थाफानाय मिस्त्रनि नोगोरारिफोर आरो गुबुन हादतयारिफोराबो मिस्त्रयाव हाबनायनि गनायथि होनाय

जागोन। राफा सिमनाया मिस्त्रनि थाखाय गाजानि मोनसेल' हाबग्रा गेट। बेनि सायाव इज्राइलनि जेबो कन्ट्रल गैया। बेखौ गुबुन हादतयारि नोगोरारिफोर आरो मिस्त्रनि थागिबिफोरजो लोगोसे जोखोम जानाय गाजानि थागिबिफोरनि थाखाय बुधबारखालि खुलिना होदोमोन। उनाव बेखौ साननैनि थाखाय बन्द खालामना होयो। मिस्त्रनि बिबानगिरिफोरा बुंदो, थांनाय सप्ताहयाव गाजायाव गंसे गुबुन लेन्सनि सायाव इज्राइलनि

मेडिके लनि बिथिडव मख'जाथाव खौरां होलांदो आरो बुंदोदि, एल्जाइमारजो लोगोसे बेयमिफोरनि गोदान स्टाडि आरो फाहामथाय रहा मोन्नो हागोन, 2024 आव केन्सार बायदि गिखंथाव बेरामनि फाहामथाय राहबो मोन्नो हागौ। बेफोरनि अनगायै बुहुमाव मिथिंगायारि खैफोदफोर आरो बोथोर गात्रिआ सिलिंखार लाबोगोन होन्नानैबो बाबा बेंगाआ इयुन हम्दोनांनै फोरमायनाय दड।



गाग्लोबनायनि उनाव थांनाय शनिबारखालि सुबुंथियारि हान्था-मेला बन्द जायो। बे

सिमनाजो हाबग्रा रेहायनि मुवा-बेसाद लानानै थांग्रा टाकफोरनि थांलाय-

फै लायाबो खम जायो। थांनाय रबिबार आरो समबारखालि हराव गाजानि

गंनै देहा फाहामसालिफोराव इज्राइलनि गाग्लोबनायफोराव सा 8 सुबुंफोर थैयो। गाजानि सावसियारि देहा-फाहामसालि.व जायो। बे गाग्लोबनायाव मेगननि देहा-फाहामसालियाव जायो। बे देहा-फाहामसालियाव साब्रै सुबुंफोर थैयो आरो गुबुन गाग्लोबनाया गथ'फोरनि रेनतिसि देहा फाहामसालियाव जायो। बेयावबो साब्रै सुबुंफोर थैयो। बिसोर गंनै देहा फाहामसालिफोरा खाथि-खाथियावको दड'। बेनि अनगायै उग्रा अरां जाहाजजो गाग्लोबनायाव गाजा सिटीनि गंसे गोसोनि बेमारनि देहा फाहामसालियावो सिलिंखार जायो। गुबुन मोनसे नायबिजिरनायाव इज्राइलनि सान्ध्रिफोरा गाजा पट्टीनि बयनिखुडू देरसिन देहा फाहामसालियाव लागायनाय पेनेलआ सिलिंखार जायो। बे सलार पेनेलफोरनिफ्राय जोमजिनाय मोब्लिबजो देहा फाहामसालिनि गोनांथि जानाय बायदियै सिबिथाइ हानाया सालोयोमोन।

एसियान रुग्बी 7 टूर्नामेन्ट भारतीय आइजोफोरा थामथि सिलभार मेडेल देरहादों

गोदान दिल्ली, 7 नभेम्बर: भारतन आइजो गेलेगिरिफोरा मोजाडे दिन्थिफुंनो हानानै एसियान रुग्बी 7 टूर्नामेन्ट लान्थियै थामथि सिलभार मेडेल देरहादों। भारतीय टीमआ टूर्नामेन्टिन फाइनालाव इउइजों जेन्नांनानै सनानि मेडेल देरहानायनि सिमांखी खोमानांदों। गुबुन फार्से भारतीय हौवा टीमआ बे टूर्नामेन्टिन बाथि आरो 6 थि मासिन मेचआव काठारखी फेजेन्नांनै 5 थि नम्बरआव जायगा आवग्रिदों। भारतीय हौवा टीमआ थानाय बोसोराव 9 थि नम्बरआव जायगा आवग्रिदोंमोन। भारतीय रुग्बी फुटबल इडिनियननि आफादगिरि राहुल बसआ भारतनि लान्थियै सिलभार मेडेल देरहानायखी बाख्नायदों। लोगोसे बे इभेन्टआव भारतीय आइजो टीमनि दिन्थिफुंनयाखी गोजोनाय फोरमायदों। बिथॉनि



बादिल्ला, भारतीय टीमआ थानाय माखासे बोसोरिनफ्रायनो मोजाडे दिन्थिफुंनयासिनो दड। लोगोसे बिथाडा हौवा टीमखी गावसोरनि दिन्थिफुंनयाय सुद्रायनो हानायखी फोरमायदों। केप्टेन वाहबिज भरुचानि कामान्डआव दैदेनजानाय भारतीय आइजो टीमआ फाइनालाव मोजाडे दिन्थिफुंनो हानाय इउइआ गासै 19 पइन्टजों सिगांसिनआव

थादोंमोन। फाइनालाव सौहैनायनि सिगां भारतीय आइजोफोरनि टीमआ सेमिफाइनालाव इरानखी 34-0 स्करआव फेजेन्नोंमोन। इराननि अनगायै आइजो टीमआ गुवामखी 14-7 स्करआव फेजेन्नों हार्दों आरो मंगलीयखी 36-0 स्करआव फेजेन्नोंमोन। केप्टेन प्रिन्स खत्रिनि कामान्डआव दैदेनजानाय हौवाफोरनि

टीमआ बे टूर्नामेन्टिन जागायजेन्नायाव मोजाडे दिन्थिफुंनानै इराकखी 47-0 स्करआव फेजेन्नोंमोन। भारतीय आइजो टीमनि केप्टेन भरुचाआ फिन सिलभार मेडेल देरहानायखी गावसोरनि जर'खा मोन्दाथि फोरमायदों आरो गावसोरनि टीमनिफ्राय सिगांसि समाव बे मेडेलखी सनानि महर होनो नाजागोनखी फोरमायदों। □

गोदान दिल्ली, 7 नभेम्बर: भारतीय आइजो हकी टीमआ जापानखी 4-0 गलआव फेजेन्नांनै नैथि खेब एसियान सेम्पियन्स टूर्नामेन्टि बिमुं देरहाबाय। भारतनि देरहानायव संगिता कुमारिआ 17 मिनट, नेहाआ 46 मिनट, लालरमसियामीआ 57 मिनट आरो बन्दना कटरियाआ 60 मिनटआव गल सोदों। भारतीय टीमनि बिमुं देरहानायव गाहाइ मन्थि नरेन्द्र मदिआ गाहाम हामलायथि हरदों। गाहाइ मन्थिआ भारतीय आइजोफोरनि मोजाडे दिन्थिफुंनया, गोहो आरो रंगथिजों जाफुंसारनायाव भारतीयफोरनि गोग्गानाय मोन्दाथि फेनायखी फोरमायदों। ससेल मिडिया प्लेटफर्म एक्सआव बिथाडा भारतनि आइजोफोरनि फिन गोखों गोहोखी नुफिनो मोन्नायखी बाख्नायदों। भारतआ बे



टूर्नामेन्ट जापानखी 4-0 गलआव फेजेन्नोंमोन। मेचनि बाथ्रा बुडेब्ला रान्सिन मरां गमके जयपाल सिंह मुन्दा स्टेडियमआव जानाय बे मेचआव भारतआ जागायजेन्नायनिफ्रायनो मोजां फर्मजों दिन्थिफुंनो। मेचनि 17 मिनटआव संगितानि गल सोनायजों आवगायनायनि उनाव 22 मिनट उनाव जापानआ फिन गल सोफिनदों। नाथाय बे

समाव भारतीय केप्टेनआ भिडिअ रेफारेलनि मदद बिनायाव बे गलआव इनभेलिड फोसावजादों। मानोना बे गल सोनायनि सिगां मेचआव पाउल जादोंमोन। मेचनि 46 मिनटआव भारतनि थाखाय नैथि गलखी नेहाआ फेनालि कर्नारआव सोदों। 52 मिनटआव जापानआ गल सोनायनि खाबु मोन्दोंमोनबलाबो गल सोनायाव फेलें जादों। 57

मिनटआव भारतआ टीमनिफ्राय थामथि गल सोनो खाबु मोन्दों। बेनि उनाव 60 मिनटआव बन्दनाया गल सोनानै भारतखी 4-0 स्करआव आवगायहोदों। भारतनिफ्राय दीप्रेस एक्काआ प्लेयार अफ दा मेच बान्थानि थाखाय सायख'जादों। गुबुन फार्से झारखन्डनि संगिता कुमारिआ राइजिं प्लेयार बान्थानि थाखाय सायख'जानो हादों। □

भारतनि भिदित भैशालिआ जारिमिन सोरजिदों

गोदान दिल्ली, 7 नभेम्बर: अयेल अफ मेन (निकलेस जैन) निफ्राय फिडे ग्रेन्ड सुइसनि जोबथा आरो फाइनाल 11 थि रउन्डआव भारतनि मिजिथिआ मोखथाडव महर मोन्दों। हौवा केटेगरिआव भिदित गुजरति आरो आइजो केटेगरिआव आर भैशालिआ बिमुं देरहानानै जारिमिन सोरजिदों। बे देरहानायजोंनो बिसोर सानैआ फिडे केन्डिडेटआव जायगा आवग्रिदों आरो बेजोंनो भिदित आनन्द आरो प्रज्ञानन्दनि उनाव थामथि गेलेगिरि जादों।



भैशालिआ बेबादि देरहानाय थिसनो हानाय कनेरु हम्पिनि उनाव नैथि गेलेगिरि जानो हादों। हौवा केटेगरिआव जोबथा

सानखालि जेब्ला मेचआ जागायदोंमोन अब्ला भिदितआ 7.5 पइन्टजों इउएस्एनि हिकारु नाकामुर आरो रासियानि आन्दे

एसिफेन्कजों जुथायै आवग्रिदोंमोन। नाथाय ताइ-ब्रेकआव बिथाडा थामथि नम्बरआव थादोंमोन। नाथाय जोबथा सानखालि बिथाडा मोजाडे दिन्थिफुंनो हादों। 8 पइन्टजों नाकामुरआ नैथि आरो 7.5 पइन्टजों साबसिन ताइ-ब्रेकनि जाउनाव एसिफेन्कआ थामथि नम्बरआव जायगा मोन्दों। गुबुन भारतीय गेलेगिरिफोरा मिजिथि बादिथै दिन्थिफुंनो हायाखै। जाउनाव 7 पइन्टजों प्रज्ञानन्दआ 13 थि, 6 पइन्टजों अरबिन्द चिताम्बरसआ

30, एसएल नारायनआ 32 नम्बरआव आरो निहल सरिनआ 45 थि नम्बरआव जायगा मोन्दों। आइजो केटेगरिआव आर भैशालिआ मंगलियानि मुगुतुल बल्थयगजों गोसोम पीसजों गेलेनानै इ मेचजों 8.5 स्करआव गिबि नम्बरआव जायगा मोन्दों। भैशालिआ आबुं टूर्नामेन्टिन समाव लान्थियै देरहानानै गासै खेब 6 देरहानाय आरो खेब 5 इ मेच गेलेनाय थिसन्दों। बिथाडा 2658 रेटि लेभेलआव दिन्थिफुंनो आरो वर्ल्ड लाइभ रेटिआव 8 मासि सुद्रायनानै 2497 पइन्टजों 14 थि नम्बरआव सौहैदों। खेबनै बारग' सेम्पियन जाखानाय इउक्रेनि एना मुजयचुकआ 8 पइन्टजों नैथि आरो चीननि तान ज्हंगाइआ 7.5 पइन्टजों थामथि नम्बरआव जायगा मोन्दों। गुबुन भारतीय आइजोफोरनि फारिआव 6 पइन्टजों दिब्या देशमुखआ 18 थि आरो हरिका इनाबल्लीआ 19 थि नम्बरआव जायगा मोन्दों। □

दिपिका कुमारिआ नेसनेल गेम्सआव गंनै सनाजों गंथाम मेडेल देरहादों



गोदान दिल्ली, 7 नभेम्बर: बारग' नम्बर 1 आसोरि दिपिका कुमारिआ मोजाडे दिन्थिफुंनो हानानै नेसनेल गेम्सआव गंनै सना आरो गंसे सिलभार मेडेल देरहादों। गुबुन फार्से एसियान सेम्पियनसिपआव सनानि मेडेल देरहानाय शूटर एस्वरय प्रताप सिं तमरा 50 मिटर राइफल 3 पजिसन इभेन्टआव गिबि नम्बरआव जायगा मोन्दों। जापाननि जानानै गेलेनाय दिपिकाआ आइजोफोरनि सिंगेल्स इभेन्टआव सनानि मेडेल देरहानायनि उनाव मृनाल

चौहानजों जुथायै मिक्स टीम केटेगरिआवबो गिबि नम्बरआव जायगा आवग्रिदों। बिथाडा आइजो टीम इभेन्टआव जापानखी सिलभार मेडेल देरहाहोदों। जायनि फारिआव बिथाडा हारियानाजों शूटआउटआव जेन्नांदोंमोन। मेडेलनि फारिलाइयाव गिबि नम्बरआव जायगा आवग्रिनाय महाराष्ट्रा मोजाडे दिन्थिफुंनोमोन। थामथि मासिआव जायगा मोन्नाय हारियाना आरो आसामआ रिकार्भ इभेन्टआव सनानि मेडेल

देरहादों। महाराष्ट्रा गं 68 सनानि मेडेलजों मेडेलनि फारिआव गिबियाव जायगा मोन्नानै दड। गुबुन फार्से आर्मिआ गं 54 आरो हारियाना गं 50 मेडेलजों फारियै नैथि आरो थामथि नम्बरआव जायगा मोन्दों। शूटिआव तमरा आर्मिनि निरज कुमारखी फेजेन्नांनै मेडेल देरहादों। आर्मिनिसेन सिंहा ब्रन्ज मेडेल देरहादों। हौवाफोरनि 25 मिटर रैफिड फायर पिस्टल इभेन्टआव भिजय वीर सिधुआ पान्जाबनि थाखाय सनानि मेडेल देरहादों। गुबुन फार्से हारियाननि आनिश भानवाला आरो आदर्श सिंहा फारियै सिलभार आरो ब्रन्ज मेडेल देरहानो हादों। जुड'आव दिल्लीआ गं 8 नि गेजेराव गंथाम सनानि मेडेल देरहादों। □

आफगानिस्तानआ गिबि खेब सेम्पियन्स टूर्नामेन्टि थाखाय क्वालिफाइ जाबाय

गोदान दिल्ली, 7 नभेम्बर: सेम्पियन्स टूर्नामेन्ट 2025 आ पाकिस्ताननि पीटसफोराव खुंजागोन। बे टूर्नामेन्टि दैदेनग्रा महरै पाकिस्तानआ सिगांनो क्वालिफाइ जाबाय। गासै मोन 8 टीमफोरनि गेजेराव खुंजागोन। बे टूर्नामेन्टि थाखाय आइसिसिनि गोदान नेमखाथि बादिब्ला, सोलिफु वर्ल्ड कापनि पइन्टनि फारिआव टप 8 आव जायगा मोन्नाय टीमफोरल' बे टूर्नामेन्टि थाखाय क्वालिफाइ जागोन। पाकिस्तानआ पइन्टनि फारिआव 9 थि नम्बरआव जायगा मोनोब्लाबो टप 7 टीमफोरजों सोफिजागोन। आफगानिस्तानआ दासिमाव वर्ल्ड कापआव मोजाडे दिन्थिफुंनो गासिनो दड।



जागायजेन्नायाव बांलादेशजों जेन्दाब्लाबो बे टीमआ दासिमाव पाकिस्तान, श्रीलंका आरो इलेण्ड बायदि सेम्पियन टीमफोरखी फेजेनबाय। आफगानिस्ताननि टीमआबो बे टूर्नामेन्टि थाखाय क्वालिफाइ जाबाय। गिबि खेब बे टूर्नामेन्टि बाहागो जानो हानाय

आफगानिस्तानआ हाजमतुल्लाह साहिदीनि केप्टेनआव सोलिफु वर्ल्ड कापआव दासिमाव गेलेनाय खेब 7 मेचआव खेबब्रँ देरहानायजों 6 थि नम्बरआव दड। बे टीमआ आद्रा खेबनै मेचआव अस्ट्रेलिया आरो

खोला आफ्रिकाजों बादायगोन। नाथाय बे मेचआव जेनोब्लाबो बे टीमआ टप 7 निफ्राय गाहायाव थानाय नंला। बेबादि थासारिआव सेम्पियन्स टूर्नामेन्टि थाखाय आफगानिस्तानआ क्वालिफाइ जाबाय। भारत आरो खोला आफ्रिकाआ सोलिफु वर्ल्ड कापआव सेमिफाइनालाव जायगा आवग्रिबाय। जाउनाव बे मोननै टीमआबो टूर्नामेन्टि थाखाय क्वालिफाइ जाबाय। बेनि उनाव थामथि नम्बरआव अस्ट्रेलियानि टीमआ जायगा मोन्नानै दड। □

आइसिसिआ साथाम गेलेगिरिखौ जर'स्वा बान्थानि थाखाय नमिनेट खालामदों

गोदान दिल्ली, 7 नभेम्बर: वन्डे वर्ल्ड काप 2023 आव खोला आफ्रिकानि कुइन्टन डि कक, निउजिलेण्डनि रसिन रबिन्द्र आरो भारतनि जशप्रीट भुमराहआ मोजाडे दिन्थिफुंनो। बिसोर गेलेगिरिफोरा गावसोरनि रंगथिजों गावसोरनि टीमखी माखासे मेच देरहाहोबाय। आइसिसिआ अक्टुबर 2023 नि थाखाय बिसोर साथामखी प्लेयार अफ दा मन्थ बान्थानि थाखाय नमिनेट खालामदों। खोला आफ्रिकानि गोखों डि ककआ सोलिफु कापआव मोजाडे दिन्थिफुंनानै बयनिखुइ



बांसिन रान लानाय गेलेगिरि जानानै दड। बिथाडा टीमनि थाखाय खेब 8 मेचआव 550 रान लाबाय। जायनि फारिआव खेबब्रँ सेन्सुरिबो लादों। बांलादेशनि अनगायै डिक्कआ 174 राननि इनिंस गेलेदोंमोन।

निउजिलेण्डनि लाइमोन गेलेगिरि रसिन रबिन्द्रआ गिबि खेब वर्ल्ड कापआव बाहागो लादोंब्लाबो गावनि रंगथिजों बयनिबो गोसोखी देरहादों। बिथाडा अक्टुबर दाननि समाव टूर्नामेन्टआव गावनि टीमनि

थाखाय गिबि खेब 6 मेचआव 81.20 जौखोन्दोजों गासै 406 रान लादों। इलेण्डनि हेथायै बिथाडा 123 राननि इनिंस गेलेनायजों खौराफोरनि हेडलाइनआव जायगा मोन्दोंमोन। बेनि उनाव अस्ट्रेलियानि हेथायैबो 116 रान लादोंमोन। भारतनि स्टार फास्टबलार जशप्रीट भुमराहआबो मोजाडे दिन्थिफुंनो गासिनो दड। जोखोमनिफ्राय मोजाडाव फेफिन्याय भुमराहआ अक्टुबर दानआव टीमनि थाखाय सा 14 उइकेट लादों। □

भारतीय आइजो हकी टीमआ हकी अलिम्पिक क्वालिफायरआव जार्मानजों जायगा मोन्दों

गोदान दिल्ली, 7 नभेम्बर: भारतीय आइजो हकी टीमआ फे गौ बोसोरनि 13-19 जानुवारनि गेजेराव रान्सिआव जानो गोनां एफआइएस हकी अलिम्पिक क्वालिफायरआव मुलुगनि बाथि नम्बरनि टीम जार्मानजों जायगा मोन्दों। जाउनाव भारतआ लीग स्टेजआवनो गोखों टीमजों सेलेन्स मोनगोन। भारतीय टीमआ अलिम्पिक क्वालिफायरनि गुपआव 6 थि नम्बरआव नैथि साबसिन जायगा




मोन्दों। भारतनि उनाव निउजिलेण्ड, जापान, सिली, आमेरिका, इटाली आरो चेक रिपब्लिकआ दड। स्पेननि भेलेन्सियाआव जानो गोनां

अलिम्पिक मासिन बे मेचनि फारिआव बेल्जियम, ब्रिटेन, स्पेन, करिया, आयारलेण्ड, कानाडा, मालेशिया आरो इउक्रेनआबो फारिआव दं। □

बंगप लैथोयाव 4.2 रिक्टर स्केलनि गोखोंथिजों बांग्रि मावदों

गोदान दिल्ली, 7 नभेम्बर: बंगप लैथोयाव दिनें फुंभिलि समाव बांग्रि मावनाय हमादो। खौरां एजेन्सि एएनआइया माहारियारि बांग्रि बिगियान मिरुनि गथायनाय खौरांजों फोरमायोदि, दिनें फुंनि 5:32 रिगायाव बंगप लैथोयाव बांग्रि मावयो। रिक्टर स्केलाव बांग्रिनि गोखोंथिखी 4.2 सुनो



मोन्नाय जादों। दिल्ली गुबुन गुबुन बाहागोफोराव एनसिआर आरो सा भारतनि थानाय समबारखालिबो बांग्रि

मावदोंमोन। बेलासिन 4:16 रिगायाव फेनाय बे बांग्रिनि गोखोंथिखी रिक्टर स्केलाव 5.6 सुनो मोन्नाय जादोंमोन। बे बांग्रिनि मिरुआ नेपालावमोन। थानाय शुक्रबारनि हरावबो सा भारतनि माखासे ओन्सोलफोराव बांग्रि मावदोंमोन। नेपालाव थानाय शुक्रबारखालि फोजोबखालु

बांग्रि फेदोंमोन आरो बेयाव सा 157 सुबुंफोरनि जिउ गोमादोंमोन। नेपालाव शुक्रबार हर गेजेराव फेनाय बांग्रिनि गोखोंथिया 6.4 मोन। बांग्रिनि मिरुआ काठमान्डुनिफ्राय 500 किल'मिटर सोनाबहा थानाय जाजरकट जिल्लायावमोन। बांग्रिनि जाहोनाव नेपालाव गोबां न'फोर सिस्लिखार जादों। □